



10205

陶山詩錄卷十八

善化 唐仲寬

六抄

養筠諺集

自蘇假歸金陵四首

風送得替船 一帆三百里 雨洗休沐塵 剛抵北山邱

舍非故園僑居逾一紀 老樹四五株 枝柯成連理 手栽

百花 卉應時綴芳 藥院梅方大放 迎我笑可喜 相違歲

已遷 相見情俱美 花木尚欣欣 候門況孫子 卽此當還

鄉人生如寄耳

臘雪久且深 盈尺兼表丈 霑徧江南北 大田兆豐穰 如

陶山詩錄卷十八

一

何春漸至輒復大如掌 我本號寒蟲 欲蟄不得 益乞假

當融和負暄任偃仰 豈料雪仍作勢 比臘更莽 北枝壓

至地南榮封不敵 天教吾閉門 因之謝來往

故人同歲生 同方亦同病 舊約早還山 君先遂温清 去

年會耆英 隨君洗腆慶 吾亦奉耄兄 分題快風詠 別後

遺我書 勉以平反政 深佩良友箴 離居難合併 豈知成

隔世古歡 不可更今來 喧若翁勸慰 感天性 自憾鮮民

生音容 杳且覓

孫淵如易簣時深以未得終養為憾然視雙親早背者何如也

明知官繫匏 無計得解脫 三吳衣帶水 咫尺千里闊 攝

職理文書 紛如雲 難撥癘疾時 發興類瘦不能割 故人

忽淹逝謂李誼良友又疎豁謂方茶山廉訪鄰笛不堪聞驛梅
幾時達於茲悟幽屏可以息爭奪花光照新晴檻外春

山活

輓孫通奉淵如二首

入懷淵耀照書樓中歲重親樂擁騶斷案引經真漢吏
訪碑行部徧齊州故山官暇時尋討小學年衰尚校讎
聞說平生頗得力神明不亂了浮休茶山廉訪寄書所
云時余權臬蘇州
廿載知交遠倍親會籌買屋作比鄰石湖賓從推前輩
山館耆英奉老人問字今翻求宿德傳經後更付家珍
獨憐談菡開懷抱綠酒紅欄跡已陳

陶山詩錄卷十八

二

小院栽杏八年不花今春花發甚繁喜賦廿四韻
樹爲看花植花應著樹開如何空葉茂幾欲雜薪摧歷
歲同僮李逢時若放梅柎初攢檻外枝更出牆隈春色
行將開仙姿舊已胎繁珠披錦碎高似倚雲栽好向緇
帷坐無勞羯鼓催且爲羣卉殿聊解衆人哈昨惜輸凡
豔真甘處不材園丁謀媵嫁牧子失村醅忽喜緋衣賜
紛如紫袖迴帶霞標繡閣迎霽照瓊臺莫怪韶華晚深
叨雨露培齊驚多異采始信匪龕才憶昔軟紅路頻嗟
燒尾杯一朝趨曉漏十里踏香埃上苑遊難到長安去
幾回韜光原寂寂得志自恢恢客唱尚書宋坊題宰相

裴馬蹶會駐處螻版乍飛來秀骨超金粉奇葩暎綠苔
生仁猶待結重萼正成堆地近文梁館人爭藥榜魁日
邊占瑞靄芳種自蓬萊

爲蔡佇蘭題余秋室學士所畫馬

學士善畫承平馬顧視清高態嫺雅食禾當食玉山頭
飲水不飲長城下雖飽一石肉難肥能馳千里汗自赭
伏櫪豈爭牛宮阜追風尚庇圉師序或疑短馭非權奇
那識長鳴盡啞啞有朝得路歸天閑將老其材壯函夏
神超早籟海西雲氣逸全空冀北野赤墀迴立其誰乎
青絡橫行無健者孫陽未遇驪黃求曹霸獨擅丹青寫
陶山詩錄卷十八
三

蔡侯得此興飛騰唐子觀之筆傾瀉請君更看玉花驄
學士爲余所畫馬 一般神駿酒同把

謝繼蓮龕方伯惠山楂糕二首

釀成山果賦紅酣風味憐余素所諳微帶儒酸存本色
那輸崖蜜勝回甘擣殘渣滓功能化嘗徹中邊道可參
錫白粥香叨美餉英華何幸得咀含

釘坐堆盤暎赤霞底須勾漏覓丹砂厨分櫻筍和糕餅
醬異桃梅沁齒牙消渴翠鬟不感含飴鴉角語先譁
瓊膏本自蓬萊島錯認稱名是海查

本草查是星查俗呼山查子誤

八年不花花忽開
有負愛花人
手栽可憐花
意尚未慳
空花那足酬
因材酬君以華
不如實感君相待
日復日
倘令鋤去同蕭
稂安得芳菲照
堂室花萼初胎
便生人
枝頭綴子顆顆
新金剛拳垂宿
雨重火齊珠轉
朝霞勻
采之登盤薦諸
寢歲星之精兆
豐稔何必撞門
繫紅裙
非徒置坊題碎
錦十年樹果無
速效得氣自爲
栽培報
春雨江南盍歸
乎好鼓范蠡湖
邊櫂

養筠詠二首

堂左有廊舍十笏
供宴坐隙地圍
短樊幽居事清
課初
栽梅一株近放
香滿座計梅品
同高愛竹塵無
浣屋角
移三竿牆腰植
兩個梢已干霄
長筍欲穿徑過
垣低謝
豹驚砌窄春駒
墮衝蒙芽或枯
遇石根先挫因
思地勢
寬得受天光大
隔援數弓收召
工連日作既舒
青鸞翔
還稱玉龍卧翠
陰從此添苔痕
不須破

陶山詩錄卷十一

四

竹高過房簷筍短
迫牆脚偏側勢
難容遷移規可
拓雖
然廣尋丈頗覺
開林薄謝暑墉
自崇穿雲壁先
鑿圓通
月度門方引水
歸壑入夏纔抽
萌迎風正解籜
此竹本

名遲其材似差弱
豈知竦浮筠直
欲升碧落

遲竹生筍稍遲而籜

最晚成當培養歲寒藉
栖託舊列桂於堂
合補松傍閣

人家美輪奐我意寄寥廓
欲學元紫芝洞巖無局鑰

長兄新喪感劍姪次韻養筠謬詩再疊前韻卽以
示之 釗

簡書日奔馳親戚少團坐豈若田園居共事晴雨課樂
能聚同懷榮還勝八座况吾手足聯不受泥塗浣詎前
傷季指今又弱一个顧影子雁飛流光隙駒過三人各
瘦孱惟余更衰墮吾身反獨存此志乃先挫憶嘗泊宅
初非誇門第大酒喜弟兄酌詩命子姪作茲縱廣花圃
誰與偕醉卧開軒見竹苞難遣愁顏破

端憂勞肝肺出遊怯腰腳慰薦得阿咸襟抱自展拓因
之懷吾弟植根非淺薄少時若填篋晚歲無杓鑿方喜

陶山詩錄卷十八

五

雨連床遽駭舟移壑幸有孤竹材早含干雲籜露擢一
枝秀風撼微條弱有筠知弗改不殖慮將落勵志徵諸
詩析薪欣有託憐余傷在原望汝登快閣刀圭起癢痺
健翱翔虛廓此屋何足言充閭啓管鑰

龍潭哭兄三首

入望僧樓擁壁門記曾捧手話鄉園枕衾小別纔三月
風雨重來已九原詩憶龍鍾無限淚

兄承訣詩有兩信
袖龍鍾淚不乾

傳鶴語未歸魂百年同氣凋零盡身世憑誰共討論

對床相約遂初衣無奈勞生未息機諸子有家能肯構
老夫無日不思歸嗟兄健尚孤松悴顧我衰同百草腓

到處追隨今隔世回頭樂事已全非

旅觀江村痛奈何指秋返旆送虞歌 先人自昔留封

樹宗子終當正首禾却望慈雲藏岱麓合營生壙傷山

阿先慈葬岱西冕當從葬忍將此別成終古豈特餘年感逝波

三疊養筠謠二首韻荅劍姪

小園粗訖工側席難安坐未諳名家言輒司法曹課語
常對齋云齋若參獅座蔬筍素所甘金粉嫌其浣每於
衙退後偏懷屋左个雖爲環堵居喜無言車主之六下蓋
有屬灌溉僅毋墮尤愛十竹成莫使一毫挫期君報平
安任人嘲措大積書巖自探修月戶能作雨淨西軒凭
風香北窗卧日對翠琅玕蕭齋寂可破

陶山詩錄卷十八

六

官如上風車無地可著腳材如挽強弩盡力不能拓世
路孟門險宦情秋雲薄電掃旣既控惚泥行又疏鑿升斗
貸監河尋友讓聳壑况居磨蝎宮直欲冠筍籜知幾慚
未退競爽嗟又弱隻影入畫圖關心此院落近作養筠謠行看子
蘋藻羣魚遊扶疏衆鳥託興不遠園林貌豈類臺閣生
與竹同瘦居嫌空太廓養身如養筠門關守金鑰

英煦齋太宰以其次子奎耀由侍講學士升少詹
事其長子奎照卽陞侍講學士紀

恩詩見寄因次其韻賀之

榮經三世堂絲綸兄弟蟬聯寵更新拜侍上公前與後
對揚

天子聖而神鴻儀次序從班列燕翼光輝信夙因鼎盛
一門由濟美願將稷契共謀身

徐安桂畫竹易粟以濟窮乏詩以贈之

畫餅不充飢煮簣不能熟如何放筆爲直幹頓令蒙袂
來果腹吾聞花開如棗實如蕤根葉枯朽懸青復是名
竹米兆三噉難資口實同半菽或飼鷓鴣大如卵或類
樹雞白如玉此皆未足周貧窮况以紙田生旅穀安桂
夙懷任卹風傾家莫辦黔敖粥貌出長身古君子化爲

陶山詩錄卷十八

七

大願老尊宿偶與西鄰謀一飽但將東絹揮數幅翠梢
初寫拂雲青茅簷已望炊烟綠大千同叅玉版禪萬个
那惜管城秃我無濟衆才久媿爲民牧卅載常堅歲寒
心五日又判霜臺牘囊錢臣朔笑侏儒坐輿子猷造空
屋近學魯公書難貸河侯粟歆飯豈解饒瘦骨徒醫俗
枵然甑有隔宿塵妙哉畫勝豐年玉便欲從君腕底乞
渭川坐擁千畝覓千斛

補棧館小照自題二首

假館閒庭讀小山雙株半已付榛菅遷移月窟丹柯影
補綴雲階碧蘚斑僊友定緣同氣合王孫當得幾時還

西河在自勞揮斧本是瑶林第一班
補天尚鍊五華石修月應分連理根
欲挽銀河澆伏暑待開金粟照黃昏
煙添晚翠橫三徑露浥秋巖共一垣
古幹新叢齊入畫坐中衣袂染香痕

題明方伯杜梅梁先生遺像二首

先生名喬林字君遷江南華亭

廉貞來斗極位業本仙曹直道匡君切奇謀殺賊豪名

原齊李固學自擅文韜引退騎箕尾招魂賦楚騷

香案非淪謫瑶臺舊侍臣

先生卒證仙果爲元皇右局真君

鸞仍歸右

局鶴自認前身度海經三淺凌霞隔兩塵忠良遺像肅

陶山詩錄卷十八

卽此悟仙真

題沙塘祠屋圖二首

有序

沙塘祠屋者韓桂舫大司寇爲其七世祖明少宗伯

諱世能公修建者也先是嘉慶乙丑余爲吳令封公

旭亭先生以宗伯祠墓侵削告余謂前詰遺龕厲禁

樵采有司責也急釐正之越今十餘年來亦稍陵夷

矣大司寇方以憂歸爰繼志重修秩然完善且繪爲

圖以矢勿諼而屬余識之因繫以詩

共一

世篤宗祊誼遺祠廢復興蟠根縈葛藟聚族奉嘗烝昔

指眠牛地今成下馬陵清芬常自誦攀陟憶扶藤

日吾爲邑長表墓分之宜修復憑宗袞褒嘉媿口碑孫
謀詒有穀祖德述於詩展畫看雲水人懷固本支

補授館閒課十六事自夏徂秋效少陵體

測晷

三萬六千日都隨漏轉銅稀聞報蚤莫頓驗景西東針
直信亭午晷長疑再中小年度岑寂視蔭意無窮

貯雷

簪井不可汲天垂霖雨甘建瓴自高屋承雷輒盈甌澤
稼霑常膏烹茶酌不貪時淳同甕露浥注卽寒潭

移花

陶山詩錄卷十八

九

旣補月中樹還移雨後花夏畦勤灌溉秋圃愛清嘉底
事覓珍種惟期森翠芽待霜釀紅紫雅不減春葩

芟草

生意雖滿眼當嚴非種鋤良材豈易植滋蔓合先除陳
泝倩風埽新條和月梳呼童剔秋繩去階砌羅清疎

作字

少小學執筆垂老猶未能喜客穿門限憑人弔剡藤別
裁求古拙新樣重飛騰撥鐙無參處常揮墨數升

整書

詩書無書讀書多反不觀况攜行篋少可任蠹魚殘爛

予若心喜開編先與闌却懷樓上峽寄語曝應乾
覘畫

畫史解盤礴旁觀意氣豪山分烟九點面寫頰三豪詩
意塞雲出禪心映月高移床避塵暎坐卧得遊遨

憶游

龍門攬勝處午夢與之遙題筆岱衡頂挂帆江海潮丁
年時揆杖丙舍遠攀條游子歸猶未如聞隱士招

糝羹

江國足蓮芡天然風味清粉同龍玉糝淖勝絮藜羹芒
刺剝先盡苦心嘗自明涼生諸物老餐菊落秋英

陶山詩錄卷十八

十一

丸藥

所須惟藥物其柰兩丸馳樹有流鶯囀庭無使婢疑圓
於脫手得香未入喉知難覓九還術翻求百草滋

涅髭

蹙蹙軟紅道緇塵化素衣髭雖加墨浣鬢未覺星稀蒲
柳秋先悴蒹葭露易晞人情多侮老聊以示衡機

雕相

相類東方先生

工操偃師技雕鏤亦傳神客喜作機巧吾甘爲木人無
鑿憑刻劃優孟假衣巾曼倩敢唐突先生同我真

刻字

耳垢不能洗久之還聽熒聊瞞只自覺町疇豈容停袞
若摘纖纒鏗疑撞寸莛雲閑呼欲出內景誦黃庭

四頭冷搔足

三五副水歌關詩卷

會行萬里路未濯萬里流胸患沉臆爬搔思決疣雖
殊無趾兀亦抱子春憂賴爾任奔走何當酬八駟

笑語古感葢

夫影神何思爲新真

在登冊到夫

輕颺鼓蟲羽鳴曰叫哥哥有汝報秋急無兄如我何昨
同聽屋壁今獨倚庭柯回首湘山遠鷓鴣嗚更多

占鵲

占鵲

鴻雁久不至頻煩端策占忽聞烏鵲喜霽色上風檐門

陶山詩錄卷十八

十一

報嘉賓刺郵傳啓事籤吾當佩金印好爲發封鈴

六十六初度遊流水禪居二首

年華荏苒逐勞人欲向滄浪浣宿塵竹院迴臨秋水闊
茶簾齊話曉晴新長空鴻雁波先逝明日茱萸跡已陳
笑指方壺風引去憑軒倒影爲傳真

旋以迎謁制
府登舟徑去

同是臨流況鼓撓唯亭曙色接江湖如何極浦橫烟艇
不及方塘對雨窳出世雲遊綠尚淺應官蓬轉老無聊
回頭欲問三生石隔水禪關掩碧霄

九月十四日

先君覽揆辰長兄生同物高堂昔洗腆隨肩拜簪綬一

自棄養來劬勞感蒿蔚猶賴家督存音徽未荒泐今年
失孔懷歸櫬已執紼天親邈難追子弟事永訖秋氣何
悽清秋懷倍怫鬱邱墓雲空懸田園草誰第設奠館庭
涼旅夢來髣髴

雞冠花有名百鳥朝王者繁麗絕倫吳雲士學博

有詩二首依韻酬之

牡丹富貴占春華對此應羞說麗葩揚采翩翩丹穴鳳
建標朵朵赤城霞似聞高蹈扶桑樹迥異低拈洗手花
無數錦枝圍一簇不誇朱草出金砂

百鳥來朝立四旁花名從俗見低昂獨看鶴頂能沖漢

陶山詩錄卷十八

十一

却喜葵心盡向陽絳幘羣於秋著色瓊枝上與日爲章
新詩鸞鷲威儀美那許翰音天際翔

來詩改稱鳳
冠花故云

補稜感懷三首

天壤無物無缺陷一一補之猶有憾取彼補此彼又缺
移新補舊新還欠此堂兩木缺其一於文爲困補之古
豈知補後困彌加入於林中亦何益
新樹叢生山之幽山中愈老愈清適一朝移栽入城市
荒庭小院臨高樓遷其地已違其性且恐根株未堅定
祇爲古芳求伴侶強使疏材作後勁

老樹蒼蒼新樹綠小鳥營巢枝上宿老樹連蟠新樹長

雲深鳥倦夜雨足老樹作花少空枝新樹無花枝漸垂
幸保天年比松柏通馨接蔭無窮期

計偕紀行詩

肅

計偕紀行詩

行役詩篇小雅才春明門外却空回披吟未竟襟先濕

憶我公車八止來

自題花甲重周第三圖

長兄長吾剛十年生日同逢菊秋天是年閒作選樓客

聞雁趣返江東船兄年七十有三矣康彊勝我羸疾纏

兒曹洗腆羅堂前弟勸兄酬詩句聯豈知詩中戒行役

語讖總由志不堅無端復驅俗士駕兩載生朝未隨肩

陶山詩錄卷十一

三

今春小別成永訣此圖欲再終無緣當時耽樂不自覺
後來追憶空潸然

次韻胡黃海學博

翔雲

三過補棧館三值門入餽

饌雷飲見謝長句

定有人來餽鼎肉與君相視輒捧腹翻令引領日過臨

意外佳穀共飽足豈疑偵探鹿酒藏頗似前知椒薤熟

客本徑造無期會臺雖函餽誰約束多緣知己幸邀徐

恰值美莊又添陸清譚不爨謝樵蘇越俎而代勞尸祝

祇須二簋可用享或遇三人奚待速重逢頻喜晝方興

暢敘何愁夜未卜君逞雄辯驚華筵時逐冶遊徵老福

顧我匏瓜憐久繫
款客菜根誇臘馥
懷他人慨殊自慙
度君子心非所欲
健啖聊損束脩羊
高吟合舉花蠟燭
蓬萊清淺具行厨
君儻從吾泛海曲
金齏玉膾不足言
同擘麟脯當首藉

陶山詩錄卷十八

十四

同擘麟脯當首藉

登來詩對且以風探菊詩善者時曲金齏玉膾不足言

又取下少非微者對楚隕楚東餅羊高吟合舉花蠟燭

明年時入海入海探菊詩善者時曲金齏玉膾不足言

陶山詩錄卷十九

善化 唐仲冕 六和

吳淞江集

濬吳淞江先築禦潮壩

吳淞塞當開先防潮激射既築遏湖隄喫緊此東垣會
聞雍正年大汎輒陵駕屢築不能成太守隨潮下至今
陳家渡周卿祀鄉蜡亦越乾隆中治河卒可借地近野
雖墩材資羣木架今空廿四丈萬金爲工價岸與新插
鄰勢將重潮迓河卒或易之初合幾倒瀉壘以土堰關
加以金椎砮培壘已三成澎湃始無罅當其措手時忽
若溝塍藉及知向若驚慎於呂梁跨蹄涔溢滄渠蟻穴
潰波澁疎畧患從生前車況嗟訝

陶山詩錄卷十九

次韻胡黃海遊上海李氏遂初園三首

遂初吾素願園定爲誰開泉石如心置烟霞拂面來舊

林增我憶新詠遲君裁知有清遊與前期預掃萊

前五日余

先往遊

好趁探潮便何愁濟勝難奇峯環水矗古樹帶雲攢畫

稿倪黃澹詩材鮑謝寬撚髭尋洞壑幽窈不知寒

槿籬塵不入竹館朴無華到此思蓬島憐余算海砂佳

篇過日把小住隔年賒甚欲畱歸艇

時君將歸

高譚聽棠花

黃海倒壘前韻三首畱別依韻贈行

先生原曠達雅不守蒿萊遊跡隨雲出吟牋信手裁却
纔歌嗑肯輒欲賦歸來未盡傾懷抱何時得好開
但聞池館勝躡屐便衝寒勿念家園闊頓忘雲水寬銜
杯呼耳熱擁髻憶眉攢可識攀畱意頽齡聚會難
遙指江村路山梅欲放花海濱舡獨扣湖上酒能賒我
贈無金錯君詩若錦砂憑誰破岑寂別襪感年華

次韻黃海誌別七律

方壺圓嶠大筆題使我奮揭忘親攜蟋蟀在堂客竟去
蠨螋成塞人難齊賓來孤鴻畱雪印陂復兩鵠思雲栖

陶山詩錄卷十九

二

賦別黯然欲迴懼倡子和汝歌摯兮

徐慎齋遊擊

成達

邀飲李筍香光祿

筠嘉

吾園三

首

裘帶開華宴林亭遣客懷到門雙鶴嘯倚檻萬竿排臘
味浮苔席春容入舫齋主人清不俗繞屋揭詩牌

吾園吾亦愛種菜閉門高林雪蟠貓篔簹烟養鴨桃帶
鋤輸海嶼荷鍤向江臯絕憶棲遲地蕭疎氣自豪

聞說當春盛桃花千樹多環亭皆綠水消暑更紅荷美
景盡如此勞生將若何還憐老吟客題品徧煙蘿

謂黃海

誤食巴豆

頗喜餌松子幾欲同桂父誰知巴有豆非比蜀之茹性
迥殊果實狀不差索黍入喉屬已烈慘腹格難吐剛腸
遇剛子火攻到膏膂三遺困河魚一粒疑漏脯紛然投
刃圭積爾廢樽俎腊肉或遇毒血蟲乃爲蠱我食求清
高此意異臭腐其柰似而非不審害亦鉅爾雅未熟讀
且爲勸學苦所以餐松脂反令塞胸宇

羊節巡功

是役我爲植曷敢有寧居畫方六十萬鳩衆五萬餘剋
期在歲杪積錢爲儲胥備直最優厚役徒宜爭趨若非
躬勞徠恐或行越趙董之以田峻準之以河渠溝通中

陶山詩錄卷十九

三

水線土棄大路隅時幸寒多霽河雖深不瀦天猶愛民
力官敢忘簡書因之戒僚友勉以慰窮閭顧我實衰朽
且辱在泥塗迴憶廿載前執朴巡淮徐轉瞬迫遲暮鞅
掌猶故吾

黃渡

去年船到千秋橋秋風小泊迎秋潮今年役車涉黃渡

橋頭鄣水橫桔槔去年初度逐川路今年殘臘行隰臯
歲事崢嶸不遑恤土功竭屨寧辭勞人家桃符欲改戶
子羸老矣猶漂搖因思荷畝數萬衆淖深沒脛泥浸腰

誰解拊循續同挾無煩驅迫鼓頻敲我雖况瘁未沾體

安能安坐圖逍遙
憑陵吳淞老江口
疏鑿湖海通波濤
雨雪載途謳不止
沿隄柳色窺柔條

聞黃海至上海却寄

千里結言無後期
道同嵇呂慰心知
君真騎氣黃山客
我是輿徒絳縣師
料得奚囊吟舊雨
催將役鼓作新陂
回車重把浮邱袂
海上春生柏酒卮

次韻黃海舟抵上海寄和二首

鼓櫂迴颿爲底忙
海山遊興未渠央
踐言候館苔侵榻
振筆吟筒穎脫囊
皓首遠行同度歲
青春作伴好還鄉
杜句園亭幾處須題詠
準備金衣玉躑裘

陶山詩錄卷十九

四

顧我偏紆會面期
泥塗深恐海鷗知
穿渠畚鍤呼閭左
隔岸菰蘆問釣師
乘興喜停衝雪舫
散懷應指化龍陂
江頭春近梅開未
便擬同傾醪滿卮

公館歲除次黃海卻疾詩韻

隔廡兩呻吟一藥一不藥
病魔尚可除
詩魔安可縛
藥者呻稍衰不藥吟更作
自謂鶴鶴呼憐余
陰陽薄病如秦軍
來當以談笑卻泰定
發天光驅回還寂寞
此意通於詩
梅笑巡檐索此義
通於道
黃庭守金鑰
今年江海濱
川塗難閉閣
約君千里來
雅不趁烜鑠
不然迫歲除
誰與嚼復嚼
大藥不可求
古懽自相樂
君言石能生我

亦進譽謬兩頭俱息聲遊神於大漠

已卯元旦次黃海韻

老友年前特寄聲攜來歲籥為吾更人逢海上三山客

天放江南一日晴鶴髮盈顛緣百感令原觸緒歎孤生

君家詩力徵耆壽擲管為文便嗽名黃海是年七十

陳禮園中翰

廷溥

屬題其十二世祖文莊公詢詩

筆因懷中翰弟桂堂太守

廷慶

勝朝璫禍正統始乘輿一擲幾亡矣殿上初呼王先生

厨間解哭薛夫子文莊抗疏嬰其鋒一斥不復歸田里

作詩無怨稱堯民仰事俯育躬耘耔詞翰流傳四百秋

陶山詩錄卷十九

五

駿烈昭垂十三氏中書弟季揚清芬諸郎翩翩濟其美

當代耆儒皆品題鮪生何足贊前軌因思哲弟黔安公

真如姻婭無彼此豈期早返兜率天而我今來滬濱壘

相思宿草經年多捧君疏麻如夢裏屬書遺直不敢辭

欲質修文舊太史

壽黃海七十疊前韻二首

壇坫東南舊有聲不知歲月幾回更高談卷幔延秋爽

俊句開軒送晚晴吏隱蕭閒老博士天真爛漫太憨生

刻詩先刻同人集四十年來記姓名

旅窻同聽海潮聲剪燭聯吟欲五更已屆懸車三歲長

頻來艤棹一冬晴筆如筋力輸君健座有心交畏客生
但祝春風隨杖屨英游攜手徧題名

滬城元夜

水國風和早試燈趁潮三五月初升喧聞街鼓春如海

靜對窻檠酒欲冰粧點物華由歲稔料量民力輒宵興

少年心事南溟客曼衍鯤遊運大鵬

是夜有龍燈

喜黃海至

闔閭城畔小流連獨鶴長鳴向海天若使久懸徐孺榻
會須焚却子猷船酒經木客供三雅詩稿山都歷兩肩
未入我門聞大笑探梅手折一枝先

陶山詩錄卷十九

六

題黃蕘圃主事

丕烈

祭書圖三首

經當拜手陳詩以勞心祭况邀太乙靈豈爲毋昭裔

物必聚於所好禮貴不忘其初中有太元一部合陪俎

豆精廬

子有宋鈔温公太元注曾以持贈

何曾食字遇神仙獺祭零星媿簡編欲向長安求福地

豚蹄自笑祝盈廩

題青山澹慮圖用韋蘇州原詩韻

爲黃曾佑行看

夜雨滯客魂披衣見窻曙有友進此圖展讀清俗慮縈

青山近遠縹白雲來去吾未見斯人恍若遊其處知君

坐欲忘笑我行何遽企懷叔度風淵澄比殆庶

遂初園看梅

湘西有老屋梅花三百株林下美人冰玉膚一別二十
有七載素抱可惜田園蕪吳門吾山香雪海近栽桑柘
樹全改其餘園林或巖阿白者漸少紅者多化工亦愛
繁華插晴昊白者開遲紅者早頗如畫筆描臙支又若
文章尚麗藻我思歲寒盟本來面目乃真好登山涉海
以求之幽芳冷淡無人知遂初園中恰相遇水邊竹外
三五十皆瓊枝北枝只數點南枝半欲披人賞南枝
盛我愛北枝遲良朋久要金蘭契志士晚成竹帛垂待
得素葩滿苑著先時浮采漲豔紛紛落疎林感我故園
心洞庭春釀對花酌

陶山詩錄卷十九

七

嘉定工次遇雪

天公念吳淞五十年未開一朝興此役默佑民子來大
冬至首春晴暖無風霾謂工已垂成軫麥少滋培東風
扇微和宿雨灑積埃春膏旣液液快雪復皚皚淺青土
苗葉深白流根荑甘受澤門謳去預祝隴首堆人猶有
所憾天必因其材但毋虧黃土何必憂汙菜外工亦愛

雪霽春寒二首

狎恩長恃負暄豪畢竟難屯百穀膏釀雪却由和氣轉
試晴翻借烈風牢首春寒日檐猶短肺病衰年枕逾高

閣外催工鳥聲急瑟居何以答民勞

道治神宮一辦熏春陰向曉祝晴雲半龕有席分彌勒

雙榻無羶乞廣文時顧吳兩學博同廟神祠功到垂成愁散手疾緣

小愈惜勞筋渠開準備凌江艇鳥語花香兩岸聞

春陰感懷前韻二首

功為貪天氣太豪故令淹滯雨如膏萬夫川欠稍溝廣

九仞泉須汲綆牢擁戶未能衝淖出醜渠安得建瓴高

浮家咫尺兒孫隔民事難辭櫛沐勞

披衣寒憶覆篝熏忽報桐枝墮曉雲硯室方思詒繼武

玉樓何苦召修文聞長孫殤於金陵背人老淚常盈睫悔我修

陶山詩錄卷十九

八

塗未息筋蕭寺淋浪驚旅夢童烏啼處夜深聞

壘韻訓陸生可泉曰壽見和前詩二首

笠澤詩詞興趣豪善言風土切民膏生有吳淞江雜事詩三百首屬為序

功從蠹簡刪三豕味在藜羹勝七牢小序豈同元晏重

長篇更比白雲高因知往昔疏江役再世詒謀有舊勞

雍正乾隆年兩次濬江生曾大父大父曾董其事

我來塞向室初熏轉瞬春融度海雲穿土符籌庚癸計

禱晴帖寫丙丁文魚勞頗為憂頰尾驥老真應困綠筋

成事因人何足記名山著述荷多聞生撰重濬吳淞江記

謝可泉餽點心次韻二首

門傳銀鹿有詩差手捧春盤色色佳儉腹自憐蔬筍氣
題餠說餅滿蕭齋

多品芳馨釘坐春粉餐分療廣文貧謂吳雲士回思百番餐

秋菊生有詠菊七律百首風味清腴好共論

吳淞江竣紀事十首

浮天震澤入三江疏鑿松江氣自降岷北何關宣巨浸

鄭康成謂三江為岷江南江北江婁東久已塞奔瀧鄧道元謂松江婁江東江為三江今皆廢

河分夏駕勞梳刷婁江今為浦漲春申患擊撞黃浦是東

禹功定後楚黃君經始長橫渡口雲黃渡為黃歇始浚吳松之地

陶山詩錄卷十九

九

蜺雙泓王介甫青龍一曲范希文新豐市改屯兵岸故

道灘裁撩淺軍顧浦吳塘終鮮效海龍謠俗至今聞明時

童謠要開吳松江須等海龍王後巡撫海瑞推官龍宗武濬治成功

潮挾沙來積漸淤翻教支派溢歸墟霸王豈畏韓彭將

唐時江潮甚猛謂為西楚霸王學士空談邨單書雉竄

荒墩全作陸雀喧淺瀨不成渠況今東泖兼天湧鼓浪

帆檣駭巨魚

專意虬江重遠圖文襄忠介有成模

三朝大吏并州剪五十餘年合浦珠承

帝曰咨勤相度用民之力樂徵輸出謀發慮由安定已

播風聲徧海隅

謂前中丞胡果泉先生

條教先頒作準繩

詔遷方伯晉中丞

謂今陳雲柯中丞

率錢預絕追胥擾鳩衆無

煩遠地徵傭較河渠三倍直食逢年穀屢豐登擇勞因
利民知信早識公旬鼓弗勝

民功宣力省符催江上扁舟自泝洄得歲恰逢星紀分
通渠不費水衡財隆冬荷鍤隨田畷戒旦鳴鉦召里魁

筋力近衰慙短馭全憑良牧策羣才

謂師禹門刺史

由旬一倍記江郵提闕初枕壤更修古渡懸燈祠沈尹

黃渡城隍神爲明布政使沈公恩

洪濤沉劔拜周侯

康熙松江守周公中鑑以濬江之役

陶山詩錄卷十九

十

殺於湖贈太僕松人立祠滬濱胼胝不惜泥埋脛櫛沐何辭雪滿頭

定議水心先奏績

謂葉萊山大令

大川共濟在同舟

喜遇暄和臘鼓傳初春小雨又晴天天時助順陂當復

人事趨公素不愆畚揭循崖皆大阜溝塍分注有支川

波臣一夜迎旌節千斛揚帆轉漕船

中丞按工啟塆通波漕艘暢行

善溝水漱響潺湲五滙兼通四十灣岵嶺清流歸滬濱

瀛洲碧浪到崑山潮聲估客來筐篚峯影船孃望髻鬟

見說菰蘆有佳士新詞三百出雲間

黃渡陸生曰壽有吳淞紀事三百首

浙西諸水祭先河好滌來源挹注多啓閉尾閭籌楯堰

從橫枉渚削蘘荷犁鋤春雨飛秧把簫鼓秋風發棹歌

願祝百年長利賴投閒祇合狎鷗波

虎邱後院玉蘭花

已卯

幾載未看玉蘭花今時重到花交加南枝北枝開次第
千朵萬朵紛周遮笑我鬢眉已龐皓愛渠蒂萼尤洵葩
朗朗如行玉山頂森森欲采玉樹芽因攜綠樽一浮白
恰遇紅袖雙傳芭駒光過隙且暮景虬柯閱世長春華
不言花石綱使物偶遺海涌梵王家若令珍木登良嶽
早隨鐵騎埋龍沙安能浩劫卧岩麓儵然風骨含烟霞
瑤臺璀璨迴雪舞碧漢輪困貫月槎迺知花木亦有遇
不遇暫時榮遇何須誇此花千年霑甕露曾邀

陶山詩錄卷十九

十一

睿賞迴雲車

雲柯中丞招飲錢氏息園二首

為政春多暇中丞折簡招園林花幔設賓從柳衙邀新
漲綠侵座芳蹊紅度橋德音喜交暢雅不藉笙簫
別墅增名勝新祠仿表忠草開毬馬路花發錦衣叢到
此塵機息叨陪禮數融習池笑山簡何似坐春風

還養筠謬

客夏築謬門拓地護新筍筯未浮筠門垣初塙粉官
符星火催役車旦暮引出門顧屢迴別竹念常軫江干
翦蒲芋海畔治蛟蜃安報寄野梅流光捷朝菌往矣榴

火明來思桃浪緊遙瞻連理楸先問出牆茵孫枝歎有
折老斲幸無實本圖小自適經年未能近三湘况遠途
萬个付虛牝美土不如鄉高宮不如隱
次韻王簾山同年咏梅四首

手種寒香小閣前年年塵鞅逐風煙難延世外佳人賞
甘受山中處士憐幸不折來吟杜老何當歸去學逋仙
輸君几硯精嚴地靜對幽芳煮石泉

原咏益梅

流水行雲記歲華冰姿原不著纖瑕鋤烟空谷攜鴉背
衝雪前溪儀槩牙鏡燃霜髯人易老林橫月魄客無家
可憐嫩蕊難禁冷重覓苔枝影漸差

白梅

陶山詩錄卷一九

十一

百花魁占杏花紅預報君家庭院中

令嗣方應南宮試

筆燦九

英初暎日錦堆千葉正翻風歲寒與竹仍爲友春信先

桃未許同玉樹定符調鼎兆瓊林金帖五雲東

紅梅

頰頰垂玉佩飛霞枝北枝南整復斜粉蝶分翔花鞞鞞

翠禽同宿樹槎牙冰霜氣骨原清客鐵石風流是作家

屈指征鴻傳驛使

君有轉漕之行兼調任江右

酡顏握手說搏沙

承招

飲故

死夾梅

山同平

圭峰碑帖購於燕市法梧門見而索借約其子得

第爲還期明年其子第矣而帖展轉浮沉十年乃

歸冊尾有梧門寄還詩四首讀之愴然蓋梧門父

子俱歸道山矣追次其韻以志悲感

借帖詩龕已十年米顛當日欲跳船而今雖得珠還浦
一種傷懷翰墨緣

千佛名經捧不難如何玉樹竟彫殘乃翁尚說能成立
進步應愁百尺竿

千里題詩賦遠離可憐石闕口銜碑草元亭廢朋交散
淒絕童烏怛化時

恍如丁令鶴飛來辜負遺書幾度催他日過墟當挂劍
詩牋和就爲誰開

宴尚衣水上衙齋觀水嬰次黃山觀察二首

陶山詩錄卷十九

三

山嵐橫渚浸斜陽隔岸青旂帶綠楊亭角一奩開鏡影
燈花百琲綴珠光繞洲櫂舞春如海倚檻蘭言月有香
自是衙齋占清敞秦淮煙景供谿堂
列仙會此汎流霞旗鼓重張與倍賒畫舫爭開環四面
春臺同上樂千家座侔秋半南樓月筆燦波心火樹花
豈類高陽歌茗子金鞍簇處靜無譁

千粉各盛春不難吹向玉樹黃

一

醉神倚鏡子

行期隨道山矣追次其韻以志悲感

陶山詩錄卷二十

善化唐仲冕

六枳

三十六琅玕室集

權河庫後回金陵及吳門詩並附焉

別養筠謬

出門輒經歲晤對纔五旬此君如有意青瑤茁嶙峋雖
塵一竿碧已脫十斛塵干霄漸解籜浥露方浮筠胡爲
館亭主反似郵驛賓傲裝一回顧迎風如笑人低頭儼
欲語含意俱未伸人言官待次安能甘長貧鬱鬱久居
此未免愁苦辛捧檄催上道那復嗟勞薪豈知坐無事
小院日幾巡栽花引翠蝶開池種紅鱗移床就檀欒步

陶山詩錄卷二十

屣忘簪紳感感未敢辭猗猗常自親小別付園叟守護

芟荆榛

自題三十六琅玕室

養筠筠長千尺竿瑤林碧樹森繞欄飽看自得清腴味
飢驅不羨華臚官飛檄催行渡江介攝職從政臨河干
但恐淇園伐薪榘那得書室開檀欒一入衙齋翠靄合
忽見牆畔林於攢時當四五月煩暑恰有三十六琅玕
巡檐細數魚鱗蹙移榻靜對鶴羽盤縱橫幽砌延暝色
錯落虛窗生曉寒小閣風來戛蒼珮半空雲動翔青鸞
若非此君有夙契安能刊處如古歡暫時心賞尚欣遣

何況手植供眠餐傳語及瓜便返舍舊窠時時報平安
會子有淑母教育成大賢迺以愛惑聰投杼且踰垣慈
父如吉甫誼辟如周宣由來聽讒者非必好惡偏不信
虎在市其如蠅集樊設身處其地恐亦難舍旃所以界
有北專責萋菲言
譖人亦勿責君子責在己木腐方藏蠹脯羶因附螳果
能慎微疑何慮銷積毀邯鄲袖楊楯新息誤惹苴况以
口致戕無異肉生疽阮公雖放達與人無藏否反躬思
自全當從慎言始

陶山詩錄卷二一

二

慎言可寡尤謹身庶鮮過木訥固近仁嘒嘒亦柔愼厚
貌疑深情爲諛當立破澤麋蒙虎皮往往遭痛挫止謗
在自修無辨更無情浮華市人憐清貧賢者質忠信苟
無渝人言藉磨磋

題黎湛溪河帥見山圖五首

本名逍遙觀化圖

莫山全底績觀化已忘言趣愜東籬菊神遊北海鯤峯
巒若相識車馬自無喧瞻視同寒素翛然秋樹根

傲霜還拂暑意在有無間巖映芝脣碧衫分蘚石斑清
風仍北牖爽氣又西山心遠原難測高文足解顏

圖寫采菊

東籬下悠然見南山而手持白羽扇
似非其時自撰七測一篇詞甚美瞻

妙解連山易旁通治水經象因占小石功足補繁星發
命未三甲成書取六丁清嚴獨觀玩點露一燈青公方注易
六爻逢吉利五品辨剛柔地防齊山固天機與目謀逍
遙真物表櫛沐亦風流手版看雲近相從讀九邱
咫聞慙眯目丈席喜披襟瘦見秋山骨寒堅晚節心自
憐偕杞棘長願託嶽岑倘荷蒲葵贈仁風播遠林

重題淮海張觀察蓮舫垂釣圖

記得題圖已五年作圖更在十年前重來却喜苔岑合
紅藕花時共一船

陶山詩錄卷二十一

圖中人是少年顏辛苦淪漣鬢小斑笑我枯荷餘露葉
不堪照水徧霜管

采采蓮花藕藕竿一絲風靜在河千河魚入饌蓮充豆
潔養看君補夕餐

偶然宦海聚浮萍短榜西風又水亭湘上漁缸涼月滿
幾時歸擢綠烟汀

權河儲觀察卽事五首

貧與歲俱進本不名一錢忽聞權筦庫廉從皆欣然疾
行猶覺緩飛檄促使前其時尚首夏蒸歊異往年我豈
內熱蘊天以酷暑煎官祿有常經於我何加焉素抱默
自靖清風上淮舩

視事檢簿書專司在財用水衡謹出納馬敢問餘俸况
當黃奪淮糧艘勞輓送憑藉金錢足鼓舞役夫衆伏况
正未平秋防更爲重秤水識消長備物覈衡從有智嚴
挈瓶何心喜踏甕

歸雲復出岫倦鳥未還山時自媿蛛隱豈尚爭蝸蠻如
何鴟鴞輩欲躋鸞鵠班鳳凰雖慈物鷹鷂敢容姦當其
得意時飛翥空塵寰一墜鍛羽翮搖尾涕潛潛鶴雛任
爾嚇雲端安可攀

受替已有期替人忽夜至在官思其憂胡乃爲圖利三
月稽探支已逾十萬計此猶無事時樽節且循例一見

陶山詩錄卷二十一

四

新漲添大小咸惴惴突聞蘭儀間汎濫不可制漫衍入
洪湖南河亦警備既有震隣憂彌懷衣衲戒

昔讀溝洫志不解賈讓策游陂太寬緩歸墟誰與迫近
讀行水鑑設防自禹迹注易今節使於艮悟小石以之
代薪芟金隄久乃積我從河上公畱爲幕下客文書忽
驟更科場反爲劇承乏屬閑員安敢辭行役

過龍潭驛

錯姪會爲龍潭司巡檢近得凶耗

去年春過龍潭驛長兄攜手登丹壁夏中載過痛令原
料理諸郎奉歸帟今年新秋馳傳來觸目傷心泣衰魄
昨朝忽接耿蘭報猶子又作泉臺客父子相繼難招魂

骨肉生悲況宗祏一命初除龍潭司三月已解棘入籍
方思釋服仍授官豈因風木赴窀穸我宦江南廿餘年
惟汝相從無間隔小別今成永訣期孔懷更愴已陳迹
西風鴻雁將雛飛蒼苾但見蘆花白

送尚衣延淇園入覲次孫繼園制府韻

占水軒開畫齋春光會共照無涯重來得月飄金粟
正好朝天上玉階三接定看華秩轉九遷難遣勝游
偕對揚惟有詩千帙淮海船頭白揭牌

新刻全唐詩善本賞呈乙覽

次韻朱謙山孝廉鐘見訪不值寄懷二首

論交十有五年來懷古情同上吹臺

謙山善詩古文

西向直窺

陶山詩錄卷二十

五

雙闕笑東之欲障百川迴法嚴魯鼓壺中算聲出周鐘
篆上枚見許文章參一席商量此萬樂銜杯

肺病頻年氣未蘇致垂倒屣失鴻儒捧符况值袁江隔
挾卷偏愁蔣草孤細讀草元知吐鳳自憐衰白怯啼鴉
選樓無句供蒐采但願全收鐵網珠

謙山續刻
湖海詩傳

題潘周士文浴桃溪漁隱圖

碧井先生之裔孫篆法辨疑石重刊

碧井名巒發源桃溪人嘉靖時官荆

著篆法辨疑今重勒石

傳播藝林識字原三百年後揚

清芬汎汎桃溪環屋門日坐磐石觀其瀾念昔先民垂

釣緝臨崖如見盤膝痕桃花紅雨偶投竿志不在魚在

討源男兒弧矢離鄉園童時釣遊矢勿諼圖中意態何
安閒柳陰飛鷺欲忘筌譬彼作書心手嫻古趣真窺鐘
鼎文桑梓恭敬古所敦此圖合與篆石存

以湖墅田抵債二首

宦遊江左樂民和願築菟裘向澗阿卜宅一廛依北郭
買田幾椽學東坡租船計可供糞粥逋客終難守薛蘿
陽羨當年還舊主豈容負郭有行窩
劇甚詩逋與酒逋料量囊橐盡錙銖一樓卷軸猶詒子
百畝犁鋤不問奴官到無田當轉計帥仍有債尚追呼
尋常那得臺堪避欲買扁舟汎五湖

陶山詩錄卷二十一

六

題施益堂

應謙

柳溪漁隱圖

胡公來言少施氏翩然相見欣倒屣手捧尊甫北山集
授余雒誦想風軌性情惇龐氣慨慷不以詩名得詩旨
君承行誼爲箕裘更饒風雅出城市逸興蕭疎託漁竿
寫作柳溪行看子柳陰深處聞擘音舩頭獨坐空雲水
世人市義多釣名君家隱德無虛美不然君才足經綸
何渠浩蕩鷗波裏莊騷各有漁父篇他日作詩定如是
宦帆逐浪三十年漢南老樹可知矣胡公歸去邈良朋
願君櫂向門前橫

六十七初度車秋舲蔡曼受周與香師雲舫邀同

胡黃海遊益山設伊蒲饌因上清涼寺登翠微亭
雨香作圖秋舡以東坡陪歐陽公讌西湖詩韻同
作見贈余亦依韻奉謝

招我嫌山晴餐雪挹我西山曉挂頰乘興直上翠微巔
環擁江光助采烈秋空無雨亦無霜名藍掩暎金焜煌
衰齡怯寒恰逢暖窮巖登眺喜欲狂人生胷次苟無惡
何必修仙求大藥苾芻頗解文字禪禽鳥但知山林樂
餘霞照酒波鱗生醉隨歸樵趁月明松篁夾路發長嘯
絕勝擊缶彈秦箏

菊花四首

陶山詩錄卷二十

七

聞有菊花田臺城左近邊青精山頂飯黃葉隴頭阡谷
汲逢三叟金穰徧百屨道童相導引踏破萬團煙

界以碧桃蹊橫當野菜畦落英高處放敷藻望中齊
入秋雲蘆香滋曉露泥平疇好結屋漉酒日扶藜
無計學園翁因思藝數叢揀花爭種細論價儘囊空手
擘連根土肩頰護葉籠南山迓歸眺不覺到籬東
三徑迫牆隈曾無小圃栽分將磁斗貯疊作錦屏開念
我生同物對君時舉杯從知霜下傑林壑已初胎

賦得雁來紅二首

以來紅二字爲韻
童子試帖補錄

西窗話舊同

紫塞商飈候雁來銜將霞采照蒿萊染成秋色參差見

養過春花爛漫開頗耐鶴傳宵露冷不隨鴉送夕陽頰
遊人莫道丹楓豔落木蕭蕭滿碧苔

洞庭波泛鯉里風盼到衡陽芳信通早占樊桐么鳳綠
肯輸閬苑杜鵑紅書雲絲筆傳應徧酌月醅顏訝許同
似展丹黃新卷帙何須柿葉學雕蟲

自題老少年行看子

老去誰能更少年不如佳卉轉秋妍還丹難駐紅塵貌
慘綠曾題錦字箋賸得霜髯添畫頰空教霧鬢笑華顛
矮籬似有人招隱小草中還遇絳仙

五百鐵羅漢九言歌

在普德寺中明劉瑾所鑄

陶山詩錄卷二十

八

得阿羅漢果者五百尊具體如來金剛不壞身誰能梁
州鐵重十萬觔千錘百鍊化出衆應真云是勝代不軌
之椽人自畫蟒玉朱袍擁囊韃欲造犀渠鶴膝駑千鈞
蓄之梵宇將毀爲勁軍嗟乎桃梗土偶尚有神况彼瞿
曇安肯助波旬一朝妖腰亂領散鬼燐錚錚鐵漢至今
堅嶙峋秦時銷鋒鎔鍊以愚民十二銅仙辭漢猶酸辛
迺敢包藏旣心爲詐諉真成夏鼎誅殛罔兩魂明祖曾
樹鐵碑於宮門魁柄漸移東廠由于孫炯然金鑑豈獨
在寺闡卽此現身說法是我聞

十七死與七十死有遲速等死耳彭殤一致了然矣
獨憾爾纔十有七催我六十七年紀果然與爾同歸我
亦喜無柰爾已不復生我生未遽已徒令老淚沈沈不
能止死者有知無知我不知我哭恐爾亦不理爾父厝
爾棺於此意欲改從爾母棺耐葬爾曾大母之山趾我
過雨花臺隨俗焚錢紙紙錢忽化白蝴蝶飛逐飄飄落
葉風吹起

林連理前軒落成四首

攜家久傍謝公墩未信能高駟馬門老樹自成連理幹
新泥聊補舊巢痕非關造屋依喬木且喜開窗面小園

陶山詩錄卷二十

九

閒步庭除清樾滿枝頭皓月正臨軒

蓬山幾籥養浮筠相伴交柯玉樹新百益盈筐初釀酒
三間列座好畱賓但期腰脚誇常健那有亭臺頌美輪
封殖尚堪添小築何當十萬買芳鄰

深林祇託一枝安無意經營改舊觀藏得煙霞根祇大
除將風雨室家完濫巾北岳銘先勒寄跡南柯夢未闌
慙媿散材超物表投閒猶自說居官

寒條帶雪弄晴暉愛日春光上板扉街外騶呵愁客至
檐前鵲語喜兒歸僑居眷戀桑三宿宦况蕭森柳十圍
倍憶草堂餘某樹先人手種隔林霏

次韻王簣山同年登北極閣悠然臺留贈汪朗園
之作卽贈朗園 悠然臺余所題額

此臺本合號超然爲見南山接遠天閣士三重依極北
江流萬里落窗前高人自結宗雷社名上難求李郭仙
我亦未逢同馬岌畱詩青壁讓渠賢

題詩僧嘯溪秋林行脚園

詩宗法界有緣因也向三身悟十身章畫能傳無住著
惠師乃是不羈人水田衣稱雲雙足古錦囊隨月一輪
况復丹青兼煮石都從白業出紅塵

次韻朱謙山和聯司馬送竈二首

陶山詩錄卷二一

十

却老僂緣隔幾塵但憑封事達宸宸頗憐久客容黔突
累歲于役今年始還金陵度歲却使殘年患採薪縱爾有權能暴富願
余無術解醫貧芸生祿命歸司命合遣春風雨露均

丹青敢望綠章通饘粥甘心守桂叢苦憶卿如羅友送
更逢客與子雲同筆端烟火由來埽床下聲聞我獨聰
讀罷九歌呵壁問勉爲爨弄曲難工

迎竈二首仍次前韻

騷除鶩金望清塵午夜朱衣散玉宸獨對上天無媚骨
須知下界有勞薪朝回尚帶前宵醉春到能驅往歲貧
銀燭歸來新氣象咸池晞髮賦靈均

下情知向九閭通內省深慙過已叢旗仗窺君顏有喜
叛尊謀婦福來同庭燿可信前無煬室薛還宜聽弗聰
萬戶炊煙凌曉起一齊果腹付神工

王湛泉觀察有和楸連理前軒詩四首依韻奉贈
擬結朱陳共一邨爲吾先壟近雲門庚禾昔日多謳思
丙舍孤雲有夢痕乘下澤車堪守冢種南山豆好鋤園
會成二老間來往山徑無須駕鶴軒

歲寒盟已訂霜筠傾蓋非同白首新僑寄道南俱有宅
過從巷北迭爲賓登山腰脚憑籃筍臨水襟期指釣輪
汶上求田他日事且依王翰作比鄰

陶山詩錄卷二十

十一

當年假館整謀安廿載樓遲轉瞬觀晏子宅非更爽塏
叔孫牆自愛修完拓檐放竹千霄上埽徑移花倩月闌
環護樛枝嘉樹古闌入成世傲蒼官

書堂新購似芸暉密邇瓜廬望曉扉江令段侯君莫問
吳頭楚尾我當歸風流別墅誇裙屐雅詠東陽減帶圍
肺病逢春漸蘇息看梅相約踏煙霏

題呂湘漁英山居課子圖

庚辰

不經行旅愁不解山居悅不諳讀書深不思課子切出
門豈爲買山貲燕北粵南徧舟輒頭白倦遊歸故園點
檢故書尚陳列藏之名山傳之人幸而有子皆聰哲青

燈黃卷爲箕裘鸞鳳之優虎豹劣先生環顧興自豪所
喜承家見風節一洗從前染衣緇不逐當時炙手執雖
無華屋與良田豈必高官並時傑人生適意耳富貴何
堪說樂志無殊仲長統式穀况有河東薛第四橋頭獨
瀟灑三高祠畔真芳潔自寫曾中邱壑情絕勝黃金滿
籩兼閱閱

題瞿遠邨小園春憩遺像仍用己未年讌綱師園
原韻二首

曾共賓朋詣鄭莊園亭高會引杯長簣簾碧上三重閣
茵替涼生半畝塘此日勝遊無舊雨一時名藻有餘香

陶山詩錄卷二十

十一

劇憐簿牒叢中句也與芸編什襲藏

濠濮傳神魚鳥親倍懷投轄夜畱賓流光彈指驚陳跡

戟影撚髭感故人重見春池生夢草

謂其弟花
農運副

自慙宦

輒轉風蘋平泉堪信詒孫子廿載情懷展卷頻

瑞雲峯圖

太湖石在

行宮內陳宜亭尚衣屬題

何處飛來第一峯莫釐縹緲碧芙蓉洞庭三萬六千頃
結就雲根潑翠濃

重若邱山轉萬牛無端入水又能浮不隨艮嶽誇奇巧
七百年來供

豫遊

持節南來愛護深
瞻雲就日有同心
我從屹立呼袍笏
讀書還疑竦百尋

題詒穀圖二絕

為萬俟南雨田

經訓菑畬得歲豐
傳家事業等農功
知君積有書田在
不比多牛足穀翁

禮耕義種定逢秋
眼見嘉禾秀滿疇
有穀自今詒後遠
請君更上稻孫樓

題翁海邨

廣平

詩文稿

隻輪直上岡崔嵬
徑造奇險不駮回
一絲裊入天茫昧
力湊單微不芴貸
瘦蛟舞浪魚兒藏
老巖當道貉子踰

陶山詩錄卷二十

三

足跡欲種出六合
眼光已睽窮八荒
日往月來不可逼
獨向溟底攬合璧
蛟宮蜃樓不可招
獨從嶠外接神囂

夸父追日徒為耳
法善袖月何足喜
衡山之雲登州市

千年乃有海邨子

翁有海邨子歌甚奇

不與雞林賺金帛

翁作吾妻鏡補

長崎人買之不與
余為刻入傳疑集
長依馬磨攻文史
十鬣難乞于思周
翁不蓄鬢詩引沈周募鬢疏云
向周宗道於于思之中分十鬢
半仙奚異赤脚李
翁有脚號半仙傳
顧我日坐寰瀛圖
愛君非徒山澤臞
海外文字

急銀版為傳倚相
與戎夫安得盡刻等身著作
八百卷

懸諸國門以為學者探奇發微書

京江守風二首

我本閒曠人來往無程限官不佩腰金衙亦持手版開
府各行省僦屋非舊館期會偶然來遷延旋自返燕栖
無定梁馬戀只空棧詎意風作劇故使舟行緩江神如
有意知我素來懶解維一入城趨謁少休澣何如隔冠
蓋且自把壺瓊牽舩住亦佳行路難奚晚願爲張思曼
休賦鮑明遠因之生繁獻安得長散誕
時平容冗材身拙希微祿雖未膺職司頗亦媿章服羣
才重功名每事營薦牘驚心在旁觀袖手乃當局今年
築新隄豈不憂故瀆寵榮所不加計畫誰爲促私者公
之害福今禍所伏致遺

陶山詩錄卷二十

古

宵吁勤深慮閭閻感江淮費疏排卿相勞節沐人心若
奔河世事如壅谷治水先治心去害當去欲我非禹貢
通曾取箕疇讀無才堪措手有事徒蒿目不如五湖舩
浩蕩輕鷗逐

次韻王湛泉同王箕山登燕子磯二首因懷箕山

蓋日同年

不是詩人不許攀故應塵步欲追難鯨波捉月真山骨

燕壘乘風古將壇雨爲攜樽畱坐久山當著眼帶雲寬

合憐蓬轉吳趨客那似筇枝筍籜冠

此會余因往
吳門未與

赤繳懸空劇暑風相逢氣稟辨難雄

近日
酷暑

未知河朔幾

人在箕山轉
漕北上

却說桃源有路通

港泉將避暑於清涼山之小桃源

小子

懷依宰木切先生吟到石樓工角巾儻遂東歸志便約

粉榆里社同

次韻聯玉農司馬二首

爲讀君詩喜欲狂才華筆陣兩堂堂誰將結綠求和氏
但相驪黃豈九方畢竟謀身難跌宕有時藉手莫迴翔
媿無大力相推舉漫說詩昌道自昌
我亦無從乞左符渭城停唱笑心麤豈綠王粲登樓感
頗與梁鴻賃廡殊三徑未成依北郭一官如寄滯東吳
日來酷暑侵羸老憑仗清風著意扶

陶山詩錄卷二十

五

籤之涇州詩以勗之

豈不憐少子忍使絕裾行豈不念遠道而無離別情小
子固薄植升階覲

天廷乞假來江南省侍得趨庭十年一申慕數月難登
程但膺上官薦業破

朝家榮及時不圖効問心徒屏營况吾未辭位筋力猶
支撐爾母亦健飯期爾在顯名涇州又繁苦畏難招譏
評惟當駕單車過往治邊氓邊氓自淳古相待宜真誠
徭賦未可蠲當思薄與輕訟獄未易息勤求貴廉平僚
友集羣益士子習諸經斷無隔膜視先以正身令毋過

飾厨傳仍善事公卿匪懈慎不敗弗矜誰與爭成務戒
得意守身勿搖精千里如膝下勝日奉三牲行矣盡厥
職無忝爾所生

題青溪流憩圖二首爲王湛泉觀察

烏衣舊巷傍秦淮
荷舍聊容畫舫齋
老屋三間歸未得
新林九曲住爲佳
扶筇放眼吞奇景
磨盾掀髯吐壯懷
却笑圖中添一老
翠微許我拍洪厓

發源鍾阜滙青溪
君住東頭我住西
塵鞅自憐朝聽鼓
吟牋甘讓夜燃藜
碁從謝墅看雲約
酒到孫樓待月攜

無那鳴騶催上道
一川鷗鷺戀幽栖

時又奉權
臬司之檄

陶山詩錄卷二十

六

陶山詩錄卷二十一

善化 唐仲寬 六枳

琴月山房集

三權江蘇臬事

讀書未熟况讀律平生頗耻爲刀筆臺省屢薦刑名諳
權陳臬事一再三事至於三益凜凜如久涉江怖益甚
儻於案牘疎權衡小民上訴難安枕非緣利害生疑慮
正恐情理失精審人言掇生不掇死求生不得乃無憾
禮樂養人刑殺人擇術當慎仁不仁禮陶樂淑素所慕
多媿虛聲違我真但願循資得除目不然便返吾初服

陶山詩錄卷二十一

文韻潘榕皋農部年文 齊雋 題松因圖

榕皋先生雋夢與余同遊峻嶺余先躋其顛先生從之
上有古松蟠鬱園亭儵雅先生以示余爰繪爲圖先
生題曰松因繫以詩因次其韻二首

至人奉無夢夢則斂巖扃齋前三蒼髯飛上列仙庭揖

翁凌石磴紛披瑤草馨翁今赤松子益壽非參苓 翁號三松

居十二年 八十 何期挈塵鞅先爲歛山靈忽聞孫登嘯展齒憶

曾經 夢中見園叟自言孫姓

長者與提携相從採几杖如何輒先登豈以因成想老
人期敢後此生著幾兩高尚廿餘年抗跡雲霄上皓首

猶自役青壁奚由訪詩夢何時圓馨效發鐘響

次韻黃鏐山明府見贈二首

時以長垣令轉銅來蘇

握手胥江渚如今十數秋牽船依往步聯襪睇吟眸星
以乘輅接雲宜解榻留金闈名勝地能得幾回遊
鼓鑄方持算蓬窻蹙寫裝客情宵聽雨歸計宿春糧遠
水添秋漲新晴破曉涼頭銜空自轉話舊語偏長

次韻鏐山吳門留別二首

弱冠文窻首重廻最憐衰白獲趨陪衛生茸客聯珠得
釘坐蓬仙帶日來見餽鹿茸杏仁故云珍品分攜君所惠清詩屬
和我無才剛逢八月槎初泊不分江干畫角催

陶山詩錄卷二十一

二

皇華往返道倭遲白叟黃童正爾思船重運河防守凍
官貧資斧費探支佇看報最登三輔多謝扶羸飲上池
行矣虎符新肇錫君易名湘虔應舊夢虎頭之兆重逢定協巨卿期

題顧秀野先生紀

恩遺冊三絕句

軒皇時邁訪才賢名士承恩御舫邊未到承明簪

筆日先書寵遇冷金牋

同時被詔尚儒巾著作他年各等身都是韓門高

弟子玉音褒許讀書人

冊帙留遺翰墨香子孫鄉里有榮光爲言藝苑勤稽古

聖代登崇在俊良

題銀山課瓜豆小照

種五色瓜美如飴種一頃豆落爲其東陵南山不必問
人生行樂須及時無飢無渴采冰谷不老不疾餐傾籬
異種本自蓬萊得引蔓收稻皆等夷君今胡爲寫此照
欲求老圃以爲師豈緣煮粥咄嗟辦匪爲烹茶留客遲
獨坐亭陰有清課盱衡物理非越思最難食棗瓜相似
見說種禾豆不滋汜勝播於辰日合呂覽食與午月宜
呼童疏根荷鷓鴣汲泉澆葉擔軍持百畦柿柿先藝矣
幾稜絲絲已生之筠籃佇看園丁送羹糝將付竈婢炊
不耕而穫人可倖非種當鋤我自知奢望固如動食指

陶山詩錄卷二十一

三

計功何殊觀朶頤宵人撒屋逞狡獪君子納履戒嫌疑
作圖之意通於學方寸爲田日修治作圖之義通於政
阡陌有畔防偏私數灌能歡楚邊界半菽不憂鴻隙陂
治績成應膺采菽公程到此記烹葵顧我少乏辨麥慧
與君曾藉鎮心醫瓜剖豆分多契闊噉豆浮瓜樂追隨
自慙但賸廷堅面堪羨猶能子建詩投以木瓜致瓊玖
進之盤豆惟黎祁讀君畫譜君詞十年握手又歌驪知
君種德方未艾信君課最合在茲却笑七十老翁還戀
棧君行我亦及瓜期

題嚴問樵解元保庸北遊草

仙才領解上春闈帽影鞭絲信筆揮氣挾幽并劉越石
詞兼騷雅謝元暉采風記類黃車使觸景情深萊子衣
我憶廿年隨計吏小山至竟未言歸

寒吟

九九消寒會分二題

煩熱情懷一筆刪凍雲擁鼻韻珊珊何妨縮手又於袖
未免搖肩聳似山濤湧孟郊清在骨律吹鄒衍暖生顏
九天咳唾皆珠玉不比號寒四壁間

寒蔬

生計端宜學灌園經霜菜把佐朝食頗含辣性香留甲
獨抱冬心淡到根藏甕味須求旨蓄堆盤節已近糝盆

陶山詩錄卷二十一

四

峭嶸歲事難消遣且共冰壺倒一樽

題蔡曼綬西山丙舍圖次其父佇蘭孝廉韻二首

百年窳窳占山村新感栢棧口澤存啓壙綬徵虵入笥

壙中赤虵無數

倚廬芝獻鹿當門善承母志能娛父共勛兒曹

更蔭孫克紹君家園冢順瀧岡他日荷朝恩

慈雲岱麓護林泉遊子行蹤蟻磨旋桑梓路遙難記里
松楸禮闕又多年我慙丙舍烏啼樹君戀春暉草滿阡
下瑞生祥由孝友底須折臂卜牛眠

庚辰歲除祠竈二首

及瓜將得替越俎竟成真素飽材方忝寒庖氣已春難

求方却老豈爲熱因人獲福非由媚心依正直神

非藉綠章達奚邀絳闕恩大烹占受鼎元旦筮遇鼎之九三具醉

獻盛盆家倚巖君重星推司命尊拜陘無以報飲水自

思源吳會題會政食吳是起無恙出勸意同祇無交經

入土辛巳正月八日因奉簡授閩臬交替赴天交開承新福風聲

關留別吳門四首吳門

春風被草木敷榮及枯朽旭日上高樓容光耀窻牖噓

枯榦已綠照窻室無黜朝權華易謝燭火燄難久風雲

會有時露電復奚有士苟困蓬纍誰言好身手豈知道

陶山詩錄卷二十一

能貞無憂時不偶榮寵非敢矜何以畀高厚

好鳥不歸山飛鳴神弗王受祿不及親空言事追養鮮

民感風木筮仕已悽愴差幸脊令原孔懷得和暢季弟

忽早逝哲兄近復喪前年攝外臺對床酌春釀今雖荷

新除欲語復誰向天末聞孤鴻臨風發悵悵

人生非鹿豕安能常羣聚遊宦本浮雲信美非吾土而

我來吳會歷官如倉庾臭味無差池情意同肺腑交遊

三十年子弟成父祖今當遷他方那堪別如雨詩章爲

瓊瑤禮義爲干櫓雜贈無以報永言藏胸宇

魚環沼中石游泳日千里鶯遷林外枝舊巢亦集止因

之告僚友回途必由此友言君爲客實自今日始皇華
或見過信宿即行矣但願 簡在心眷此東南水單
車儻重來蔽芾若桑梓我言媿叨竊無以謝誼諉相期
各努力仰副 旁求旨

自金陵赴都道中口占四十首

追趨 魏闕爲求章

宸翰親題許對揚格是園

林春乍暖小梅先放一枝香

祖筵詩思倩名園手拚南枝送北轅記取巡檐問消息

清涼山下小桃源

倦遊欲泛五湖船問渡京江近卅年今日蒙

恩還

陶山詩錄卷二十一

六

擊楫衰齡勉著祖生鞭

文選樓頭月二分倍懷賓館共論文

乙亥年在唐文館修書

當時

若作南飛鶴此日何慙鷗鷺羣

黃流順軌十餘年都說河隄使者賢試問舉賢誰最力

尋源鑿空是張騫

日出煙消野氣清天邊雲作綠波橫朦朧車上還鄉夢

恍在湘江江岸行

荒野宵征有戒心前茅兩隊出深林使君徧召流庸食

又慮行勝暴客侵

邳州道中

糜粥嗟來日萬千奔波遠近路喧闐皆吾赤子休分畛

春雨生時好力田
霧中山是夢中山
行盡江南水一灣
忽見峯巒天際出
四圍雲樹碧連環

桃花橋似古圮橋
橋斷津源問路遙
不羨奇書黃石授
欲呼漁父爲停撓

賣酒湖邊墓姓劉
平生一頃足千秋
婦言莫聽非緣酒
痛飲心傷哲婦謀

過晉建威將軍劉伶墓

昨宵漑釜喜烹魚
風味微山湖外湖
欲向湖邊謀小住
雞鳴騶子戒征塗

山脚橫拖野煙綠
樹尖先受曉曦紅
蒙茸尚怯春霜重
陶山詩錄卷二十一

柳外青帘到眼中

沿路溪流送遠津
柳初黃處一痕春
官橋二月多煙景
何必花開白似銀

過滕縣

風猷偉望漢名儒
賴有豐碑志路隅
身後名如一栢酒
爲官豈在執金吾

過漢執金吾母將隆故里

田如方罫草如茵
想見滕君經界均
見說麥苗猶盼雨
不妨泥淖滯征輪

平楚蒼然疊嶂間
峯頭戴石鬱孱顏
憑軒細認雲霞表
類我髫年葬母山

兩行山色度溪津
馬上看山畫不真
看到千峯圍翠黛

分明潑墨米家皴

朝經滕郭暮鄒郊桑柘風烟上客袍一道紅牆齊拜仰

嶧山迥似泰山高

過鄒縣

泗水橋頭日未曛樹中列堞擁層雲秦碑漢殿知何在

春草先青柳下墳

過兗州府

暖風送客酒初醺捲起黃沙作赭雲二月春寒元太劇

吹花擘柳仗東君

岱山七十二泉源五汶同流靜不渾辭費高風真具體

中都舊榜講堂門

過汶上縣

汶水湯湯到鄆州長松千尺卧沙洲吾山昨歲宣防塞

陶山詩錄卷二十一

八

始見牛羊散綠疇

過東平州

石徑驅車犂确行逢人指點問山名東來雲氣連青岱

都是兒孫列隊迎

魯人禮葬楚重瞳蓋世何曾會兵法通笑指穀城山半石

問誰圯上授書翁

過西楚霸王墓

柳書羊茂二臺荒神女祠邊松桂香何處烟林清梵出

雲車入洛憶思王

過東阿縣

曉來風出土囊口霧裏人行石谷中若欲獨行無退轉

莫教前路有車逢

行盡陂陀曠埜驅欲從平陸訊爲都春風被地無芳草

可有人求牧與芻

煙村霧郭影熹微齊右風光是也非不是巫山臺下路

却憐夢雨著春衣過縣駒故里

春半樹頭微有葉晴多溪水斷無波行人尚怯沾泥雨

隴麥將枯奈若何

到鬲難消惡督郵舊從孫楚共登樓甲戌入都孫淵如糧道招飲署中遇

故人風雨何堪憶問渡斜陽衛水頭過德州

陣雨晴雷月半銜迴颺侵曉冷春衫風聲入樹如潮湧

人挽車來飽挂帆

錢室金堂舊已荒猶疑古屋秘文藏茂陵不下求書詔

陶山詩錄卷二十一

那有遺經獻獻王過獻縣

千里相逢話呂安旅窻翦燭夜闌干知君雅有還山願

鸚薦方新引退難過河間府遇呂叔詢大令

問路每親雙隻埃披衣須審朔南風鄭州城外隄千尺

人在春陰水氣中

趙北春波似淶江臨流便欲駕輕艘江鄉風味憑消遣

鮮鯽登盤酒滿缸

記得同衣慘綠時此間放艇共題詩句吟塵面思蒼雪

今日追懷向子期

弱冠同王嵇伽黃鏗山亦吾應京兆舉過趙北口上小舟嵇伽有句云幾年但剩風塵面今日翻思蒼雪遊今嵇伽亦吾皆已歸唐山矣

春雲墮地欲爲雨，春水黏天不起波。嫩柳入雲同一色，輕鷗掠水見微渦。

莫言春半暖風蒸，多檢衣裳着兩層。怪底昨宵生肺病，白溝河畔有寒冰。

五夜驚呼天已明，叱騶聲裏踏雲行。虹梁載渡琉璃水，萬頃瓊田達玉京。

過涿州遇大雪

觀紀 恩八首

恩波解凍起沈淪，敢以衰殘惜此身。一路雪霜寒入肺，九霄雨露澤生春。願誠請急趨持被，霽色垂憐問

陶山詩錄卷二十一

採薪拜稽仰窺 天咫尺 太和在抱志如神

作吏曾無分寸功，粹膺 特達媿愚蒙。優容筋力行

將老獎藉官常在，匪躬日照月臨瞻。視外春温秋肅

訓辭中感深載見忘衰朽 覆育孱軀淑氣融

先皇除授舊隨班，今拜 新綸殿閣間。鶴語永深同

軌戚烏號願共小臣攀 許隨豹尾瞻 神籙語

到 龍髯慘 聖顏親仰 文謨由 善述

况推日月近 橋山

令節清明 禮壽皇 永思宮易縞衣裳 一

人孺慕追虞舜，百辟儀型奉 武湯。擊跽倍懷通籍後

駿奔容綴外曹行空垂涕淚
雲天表忝竊何能

稱對揚

主臣枯卉被春暄賤息重邀

詔旨溫鑑兒需次員外蒙簡

授粵西知府遽起銓曹除典郡頗嘉儒素屬寒門義方須善

承家教式穀方爲報 國恩 聖訓因人加策勵

赧顏前後拜 臨軒入殿

尅期回轉道途諳 宣室趨辭荷 點領預束歸裝

當下九載頒珍餌自重三身心受社稷能健父子叨榮

懔更慙奏乞官箴宣 德意六千里外受 恩覃

帝曰往哉閩海邊轉移風氣臬司權去其甚者羣相戒

陶山詩錄卷二十一

十一

務在安之久自選擇吏惟良嚴簠簋和衷共濟佩韋弦

不期速效期成績祗受嘉師敢卸肩

感槩華顛受 主知致身還懇達烏私少年葬母牛

眠地間道焚黃麥飯時 垂問先臣清白吏 准

寬三日往來期 聖人錫類光泉壤小草難酬

大造慈

奉 命之官自都至金陵口占四十首

八年重謁建章宮襍被神祠 紫禁東午後書思渾

不寐觚棱回首曉光紅

如含瓦石本無能 天語翻將刻苦偁莫道遭逢啖

蔗境黃花晚節更冰兢

退食私情

許黈温還從子舍抱雛孫兒童盡解承

恩重襁褓懷中笑語喧

都門朋舊感晨星

敦諭趨程馬不停出入春明才

半月杏花全白柳深青

擊鼓村村雨欲飛行人思瓦作油衣夜來露足朝仍霽

叱犢驅車兩不違

交河城北靜塵沙開徧村郊桃李花麥氣柳陰相映帶

分明五色赤城霞

春陽亢厲氣難調眯目飛沙風更驕此去岱宗三百里

望雲觸石雨崇朝

陶山詩錄卷二十一

十一

紆塗上冢度鹽河柳絮榆錢逐路多行過榆山棠蔭地

雲端遙認鬱嵯峨

由莊平取道赴陶山

下馬祠前帶晚霞逢迎族子并隣家墻垣榦桷皆完整

春色盈門四照花

祠內牡丹盛開

晉腳登山老更頽兜輿扶掖上崔嵬墓門松柏如人老

風木何堪偶一來

少牢饋食敬鋪筵親缺烝嘗又七年遊子何時依宰木

山村空自置圭田

耿老傳經一宿儒李公高尚樂桑榆南鄰北里通來往

自笑風塵面目黧祠鄰老諸生取居敬致仕州牧李杰龍相過從

欲以松楸托令君蛇邱往謁話春雲書生年少風猷美

三月人稱長吏勤肥城令劉字昌頗有賢聲

拜離丙舍似牽裾寸草春暉日益踈取道出山歌四牡

驅車人已近懸車

行隨汶泗日東流水繞山環到兗州齊魯舊遊同井里

每經雙堠一迴頭

夜雨霏霏未浥塵峭寒凌曉欲侵人日來天氣如深夏

綠樹陰留不盡春

一宵一晝雨如油小麥青青大麥抽行客衝泥褰短幔

陶山詩錄卷二十一

遠山如畫入吟眸

風塵乍喜見檣帆遲渡韓庄曉日銜問附糧艘人到否

家書先寄一封緘

錢兒附糧船來葬其妻子未得見先寄以書

江南界接齊滕遠淮北津通汴泗重取道彭門猶隔水

四圍山色似雲籠

河隄高壓古徐州利涉今看灑灑流廿四年前兩于役

斜陽遙憶上黃樓

夜深急雨過彭城曉色蒼蒼不礙行隄畔踏殘垂柳影

晴霞飛出遠山迎

濕雲出嶺全遮樹密雨漫空半化烟鳥語競呼泥滑滑

馬啼猶戀草芊芊

宿州城北紫山橫宿州城南綠野平失喜新晴正亭午
絮雲起處筍輿輕

古渡滔滔問穀陽泗濱交匯駕浮梁人言此地多佳石
何處方流玉磬藏

恭承 清問切民胞振貸紛綸徧野郊蘆葦鳧茨同

蔓草麥田萬頃遠風交

滙河晨濟水無涯澤國頻年竈產龜一自河平田涸復
不須鼓櫂到臨淮

濠上津梁欲駐驂觀魚魚自樂深潭勞頰似我魚應笑

陶山詩錄卷二十一

十四

魴鱖傳書苦未諧

窻臨濠泗古郵亭欸乃聲從枕畔聽明日進山行詰曲
羨他湖海任揚舲

合璧連珠太史占

聖人德盛意彌謙江南道上豐

年兆百道非烟挂樹尖

四月初一日事

池陽景物足儲胥野有牛羊水有魚便向磨盤山路轉
蔚然深秀盡環滁

行山欲出又山包麥隴秧田半在坳日上林霏沾客袂

山花紅處鳥咬咬

羣山迴互隔長江關隘呼騶氣已降前度役車經二紀

披雲難覓舊題幢

嘉慶丁巳年轉餉過清流關曾題山寺

一戰南唐失地形清流關自鎖巖扁行人莫問干戈際

且訪歐公豐樂亭

四首

到江巖壑繞成圍轉出山城衆綠肥溪上烏犍閒卧午
墻頭雀啄野蕃薇
浦口城頭四望寬六朝山色上眉端宦遊頗戀僑家地
當作熊湘里社看
半帆風送翦江波親友相逢問宿痾一任草堂移驛路
蒼生今又奈卿何

陶山詩錄卷二十一

五

載得東華九十春小園花氣尚親人來朝合是清和節
百世以享推始遷古人曾不諱歌哭土俗莫但誇牛眠
温公鳴條親祭埽生儒辨駁庶人孝歐公自表瀧岡阡
神物幽潛贊其妙我無文章感性情那能口舌肆爭校
八閩迢迢隔三吳歲時祠祀尤難到但願人家勝吾家
一視墟墓同矜悼小子德薄不足言尚念先人垂政教

陶山詩錄卷二十二

善化 唐仲冕 六枳

廉車集

別養筠移二首

百弓小圃養浮筠去住難憑况海濱保歲寒師君勁節
之官遠笑我勞薪親朋送別猶稱健妻子僑居莫厭貧
最是關心過墻籜幾時來占戴烏巾
甚愛清閒與竹盟簡書可畏事遄征回頭自戀桑三宿
著手從開局一枰晚遇無心求鼎食夜行長道近鐘鳴
微躬感激難辭瘁羞向人言少宦情

陶山詩錄卷二十二

過吳門二首

人生幾卅載遊宦忽他方父老來相問 君思往不

遑經過無信宿離思滿金閭風雨瀟瀟曲聽來別調長
執友同僚友相親若弟兄賓朋况賢達高尚有耆英得
句潘邠老 謂榕泉先生 栽花石曼卿 謂琢堂殿撰 長年催解纜後

會賦嚶鳴

過吳江縣

作宰無良政重經客夢勞虹橋雲一片鶯脰水三篙宿
草懷朋舊 謂揚慧樓金二雅諸詩人 芳祠記澤皋 謂三高祠 蟪蛄聲已遠

烟雨望樓高

過杭州二首

壯遊長入夢垂老又奔波北苑才希有南屏景奈何曠
懷之子遠虛負者番過正恐湖山鶴歸飛報澗阿
記得乘潮上桐廬指顧間江波今暗長海勢日東還世
事通其變人情見一斑不須圖便利之字水三灣

渡富春江

山隨舟宛轉秀色入蓬窻試問催征棹何如上釣砭大
癡傳畫筆小隱送漁腔帆影衝鷗上難忘是此江

過桐廬縣

客星照霄漢山水獨清奇溪采桐君藥巖聽郭叟碁攜

陶山詩錄卷二一二

柑猶憶往垂釣復伊誰却笑披裘至是日休嫌上瀨澗寒甚

望釣臺

直到山無路方知水有涯瀧奔牽不上巖轉去還來我
本漁竿客元非舟楫材釣臺高百丈何必羨雲臺

過蘭谿縣

既上七里瀨還經五百灘斷崖懸瀑布空谷發幽蘭鳩
語晴多兩松吟夏亦寒叱羊疑入水打槳石聲謹

過龍游縣

龍邱最高隱抗節古爲徒借問利名客何如山澤臞成
深津吏報灘急榜人呼緬想清風曠還思勇退無

泊衢州府

碧玉三衢水青霞八洞天不攜樵者斧那遇奕中仙記
里前峯塢迴帆上瀨船陸行還戒旦琴鶴亦蕭然

江郎石

弟昆皆化石少長若差肩高摘參辰宿奇超句曲仙我
呼袍笏拜勝讀脊令篇天外巖屏矗真成太華蓮

蘇嶺寺

蘇公曾到不嶺自姓髯蘇到頂寺門開過橋山路紆分
壇來驛使題句有鴻儒攀陟休言峻前峯勢更孤

過仙霞關

陶山詩錄卷二十二

三

行盡之江東復東仙人霞舉與天通勒銘乘傳朱翁子
甃石褰帷史魏公此外羣峯爭截竊何年特地闢蒙茸
雲梯尚是初桃上九折王尊訝許同

浦城道中

碧水丹山路始交看山頗恐吏迎郊深溪雨過魚堪釣
峭壁雲生鶴在巢化俗文通先夢筆從師用里合誅茅
此鄉舊說多秔稻忍聽嗷嗷歎繫匏

建陽道中

濯錦橋亭七十三朝天此路正圖南建陽有朝天橋未窺古洞
尋浮石尚見荒城俯大潭玉室金堂開福地桃蹊竹塢

鎖書龕探原道脉求遺躅雲影天光到處參

夜行

數徧山樓記里牌趨程入夜踏風霾菁林勃率長穿窟
石磴縈迴暗踏階
盛世幸無夔罔雨荒村猶有杜
茅柴前途列炬還修阻昇轎人思繫鐵鞋

雨行

田野齊歌雨旣零星言夙駕擁篲篁石頭路滑人重累
腳下雲生晝欲冥泉挂千條爭澗壑漲添百尺響風霆
懸知米價應平減明日乘舟喜建瓴

題建陽客館

陶山詩錄卷二十二

四

寫裝憩坐雨廉纖卻畧開軒畫一奩溪面奔湍迴滑笏
巖晉瀑布下珠簾方疑尉傳煩官辦誰料林臬獻客覘
欲向滄洲問精舍此間小住亦清恬

阿雨窓制府
題小住爲佳

建安登舟

三日鋒車三日霖買舟好趁建溪深仙人跨鶴山皆退
海客騎鯨石自沈津鼓欲槌驚電影郵駒相逐失拏音
塵勞頗快川游捷却爲垂堂有戒心

延平舟中

東甌九曲辰山隔南劍三溪丁字連浦說延津神物躍
石疑灑瀨檝師眠那無鄉思歸雲峽豈有文才下水船

此日湖湘方競渡一般衝浪兩情偏

泊水口 古田縣境

溪山奇嶮得滄涵桂檝輕搖泊晚嵐漸上鰲峯由水口
每依牛斗望江南幽岩紫氣形仍壯小艇清波夢亦酣
遙指海天雲霧裏待看廉石不須探

洪山橋登陸

徙向南濱見大鵬

城北有大鵬山

長虹橫亘曉雲蒸郵籤報到

帆無恙襍被攜將岸始登聽鼓隨行今日又投簪歸去
往年曾回頭爲屬篙工待春水生時我欲乘

入廉使官廨二首

陶山詩錄卷二十二

五

衙回視事報當關奉

簡趨承敢自閒懸鏡何妨三

長月

釋家以正五九爲三長月謂帝釋於寅午戌月寶鏡輪照南瞻部洲

開門恰對九仙

山但看舍宇徒寬廣正恐官曹或曠壞受命飲冰由內
熱况於眊俗未能嫻

宦况真如冰在壺田田蓮葉夾堂塗看山未辦遊山屐

飲水先徵調水符

日汲沙泉以衙牌爲信

荔子丹時頤欲采蕉花

紅處目堪娛化民何術臻淳古風物清嘉不負吾

吳荷屋觀察

榮光

夢子贈以七律覺而記其首句

以告因足成之

萬花盈手萬山開山上花多信手栽佳氣滿山披霧出

化工在手袖春來仙人掌上烟霞窟玉女窻前錦繡堆
君是夢中傳綵筆哦成七字見清才

孫平叔方伯

爾準

次前韻見贈疊韻酬之

松夢纔圓花又開

方伯先題
松因圓

恍如天上倚雲栽三生石

記前緣在二十年聯舊雨來仙籟忽聞鸞鶴韻客魂長
老簿書堆塵勞幾日黃梁熟元箸超超信軼才

疊韻酬倪竹泉觀察

誘 二首

揚州舊夢畫旂開吟向淮亭萬柳栽手版曾逢瓜步外
盍簪喜向芋原來政如山立鯨波靜詩愛花明翠色堆
同是關心華屋句

謂百
文敏

輸君風調壓羣才

陶山詩錄卷二十二

六

詩成便面一齊開自笑枯松部婁栽大府放衙空旅退
小山招隱欲歸來冠纓濯向滄浪水案牘高於濫瀆堆
揖別星槎何處艤萬安橋是濟川才

題吳荷屋松盤攬勝圖

一首

泰山之高高極天天門誅宥生雲烟中有萬松盤萬古
羲軒不數秦封年少小曹騰上截臬弱冠一覽徵前緣
胸中無此大邱壑筆下空自窮雕鐫

曾著岱覽
三十二卷

斗南一

人如飛仙偶持使節凌其巔曳裾紫陌紅塵表吮豪玉
檢金泥菟獨立不畫人重累來遊但與松盤旋松花松
子落滿袖日觀月觀垂雙肩笠簷黛色染巖綠衣袂丹

霞分樹妍頂上峯巒入襟袍
脚下雷雨徧桑田如此登
臨世有幾觀君圖繪心茫然
投書澗曾通屐齒磨崖碑

西麓

屢攜槩鉛祇今風雨憶講社
况復松柏懷岡阡

先太淑人葬處

岱畎長楫蒼髯同一屨

南臺卽事三首

案牘堆於山一入何時出羣山
繞城闐可望不可即忽
傳有公事臺司共期集請循水
部行直度虹梁立臺近
山而曠水奔橋更疾峯迴卻畧
藏流滙歸墟吸蜃樓向
閣低鄧林輪檣密登臺騁遠眺
雲水蕩胸臆

陶山詩錄卷二十二

七

公事云如何幕府攬形勝地當海
一面門擁國千乘聞
昔戚南塘控制倭蠻命將領內握
權弁卒外秉令武庫
如星羅刁斗若響應承平旣久長
好事喜更定今得老
經猷力持舊魁柄書生但懷古欲
效南樓詠

懷古自先秦無諸始建國築臺榕
樹青引釣龍鱗白霸
圖亦奇偉後裔無烏奕輿轎固難
踰樓船已見迫所重
在人和何乃咎地脉千載留雄鎮
三山倚安宅祇今樂
耕鑿猶復修矛戟何當挾天風高
歌釣鰲客

登九仙山同諸公禮大士

三山藏三山現三山不可見九仙
山是三神山蓬萊瀛

洲方壺在禹甸有黃金銀爲宮殿上有丈六金身金粟
臺普陀石上菩薩面神壇香自熏古井丹可鍊藏得經
函五千四百卷六丁取將護雷雷海濱本接鄒魯傳毗
俗還隨法華轉歲時暘雨及祥祲城郭史巫紛祝奠九
仙已飛昇十地猶周徧巖頂龍象法雲擁臺前瓔珞香
風扇禮從宜俗不變冠裳拜跪來禪院但願人民安樂
獄訟平朝朝我供伊蒲饌絕勝大石樽開九日宴

次荷屋觀察題雲膚萬壑圖韻二首送平叔中丞
之皖撫任

賦就霞標起赤城龍眠詩筆畫無聲封圻柱石遷階速

陶山詩錄卷二十二

八

自郡守至開府纔八年耳江介雲山隔岸迎此日鶴書催夏篆幾年
鹿轍課春耕攀轅父老傳圖繪海上人從鏡裏行

夙許爲霖未第時今看徧雨發華滋人因疑法平反活
代際重熙特達知敢道龍騰雲共逐誰憐牴觸路
多歧我如日暮孤烟出祇合山隈與水湄

題三百三十三士亭圖用平叔中丞韻

有序

亭爲朱笥河學士督學閩中時建每得一士獻一巨
石植於亭前凡得三百三十有三云

亭前卓石如人立石上題名署州邑月三成魄紛主賓
人三爲粲纍什伯當年學士羅羣材砥礪摩礪盡文石

何須鬱林壓歸舟頗似平泉傳舊宅轟地森森列千巖
補天炯炯鍊五色化爲星宿羅心胸儼若弟子環几席
前賢佳話二難并石君相國繼後起芳踪四美集枕流
恰遇孫子荆平叔先題一詩籟俊今屬韓安國謂今督學韓
樹屏副憲
我
憐日夕達嘉肺那敢鑽研近奎壁徒倚軒畔松風清摩
掌雨後土花碧更讀王宰舊圖畫欲學米顛齊拜揖石
從海上湧三山人在樓頭高百尺試望瀛壖越王臺晴
空淨掃雲霧濕

鄧菽原明府

傳安

以經說數種見質因題其卷

古書正僞黑白分後儒疑信徒紛紜翻疑周官多傳會

陶山詩錄卷二十二

九

却信尚書假古文深閉固距恐見破泄官行政何由循
鄧先誦經通漢學不爲諛佞爲忠臣周禮條攷窺制作
爾疋旁證疏典墳士不通經不足用何幸今逢井大春
其他文筆盡雅馴故爾吏治還真淳我生顛愚已耄及
刀筆筐篋勞心神衆人皆利我獨鈍一語不俗遭其嗔
逢君如觀古彝鼎欵篆畧識商周秦讀之累月未通曉
每送一解如披雲君持此義入報最斷疑出謀尊所聞
爲菽原明府題其尊甫漢中太守祀名宦祠錄

甌東赤緊令經術飾吏治治譜由家傳清芬誦誰嗣廉
平重漢書武健黜史記廩廩君子風恂恂長者誼緬維

漢中守召杜今無二起家自邑宰到處乎民志導德斯
緩刑除弊即興利不為烜赫名獨切拊循意庚桑允尸
祝甲令垂表示閩俗號難平治法苦不易豈知秉夷良
非與鄒魯異但得賢有司便可安無事休戚當察眉慘
礪實酸鼻願一雪斯言庶以風有位

六十九初度同吳荷屋登烏石山四首

彈指經周甲迴頭又九齡揮戈難逐日判牘輒披星階
下多無告豪端若有靈

新權藩
司一月

恩言猶在耳垂老尚書屏

承乏三司任分曹一月期

陶山詩錄卷二十二

十

池

避客金蘭合登高玉塵揮雲聯松鶴舞風送紙鳶飛宦

海無時樣道山何日歸

烏石山
一道山

菊花遲未放把瓊對

斜暉

自覺形枯槁何勞客寫真重陽將近日三徑未歸人但

羨冥鴻影難逢塞鴈賓煩君化工筆蒲柳為生春

荷屋
善畫

題剛顯周處士祠

閩山上祠唐詩人周朴殉黃
巢難宋張浚奏請祠額曰剛顯

仙山六丁挾雷電立掣向陽峯倒轉鄰霄臺宇屹然高

海上百靈護剛顯峯頭題字薛陶臣那及狂吟不屈人

廣明羣盜正糜沸絕嶠孤忠獨嶙峋縱然黃雀銜將去

至今化鶴留精魂長嘯一聲扶桑曉啼鳥落花何足云
荒祠迥出雲烟外夕陽自攝衣冠拜底須推擇主客圖
不在詩章在節概

題吳渭泉

麓

觀察櫓搖背指菊花開圖四絕句

丹崖翠壁畫圖開打槳如飛出峽來喜得榜人迴首望
不然坐失冷香堆
使君性澹愛黃花老圃踈籬共一家造物憐君敦宿好
故教晚遇燦霜葩

楓葉聲中記壯遊洽鄰彭澤更風流莫嫌不學歐陽九
埽却春花獨傲秋

陶山詩錄卷二十二

十一

菊花於我是前身恰遇苔岑話倍真正欲陶然期把瓊
一枝柔艣又江津

余方有關
中之行

蒙

恩擢任陝藩恭紀二首
忽報顏光祿來言有
詔書七閩方就理五月又新
除本作同功爾今爲縱壑魚
君恩於爾渥執手重

踟躕

恩命驚聞際難禁涕泗零特蒙加重任尤欲赴衰齡曉
漏心如月秋風鬢已星莫言筋力竭馳驟那能停

次韻韓樹屏學使

鼎晉

送別四首

珠玉光聯霄漢間戴匡曾徧照秦關閩南常相重敷教
朝右端公本峻班士氣三熏沾化雨臺評十議副名山
三百平三十三峯上遙指星軺佇召還君有內轉司空之上

能餐鮮荔即登仙七十遭逢事可傳更喜瞻韓同御李
何期適郢又之燕功名蔗尾庸非勝風味鱸魚却自賢
被詔東游復西笑追趨數月亦前緣

莫倚踈狂逞快譚周爰咨度靳從驂輶軒舊采漢三輔
屏翰長懷詩二南素播夏聲人自足奉宣德意俗

宜諳江東行過浮家地不敢依遲倚屋枓

秋老榕城葉自青澹雲踈雨出郊亭陽關獨唱聲三疊

陶山詩錄卷二 二

祖帳親攜酒一經臣力最殘空戀棧君恩勤重在

書屏相思此去河山隔風起如聞鴈墜鈴

疊韻倪竹泉觀察寄別二首

樓船橫海鷺門開蔽芾清陰已徧栽秋雨蔗收千頃利
春帆貨自百蠻來瘴和自擁蒼精佩颺息潛消白浪堆
更有閑情追墨妙使君原是碧雞才風和鷺魚味自賢

火山初熟一樽開同上三樓萬木裁正喜聯吟從海上

忽聞遷秩自天來藥求叔展香生裹味咏清容玉作堆

見贈神麴燕窩二種多謝殷勤分陝望深慙衰朽又麓才

去年此日尚空銜齊訝

恩施異等凡景愛桑榆開

晚照才慙舟楫駛征帆敢言期月通民隱却望雲霄濕
客衫非向盍簪輕賦別爲趨

朝命指轂函

記從三接拜

都俞瘴海炎山沛澤敷容駟欲追于

定國移舟應誚蔡君謨往時重典鯨鯢翦此日和風草
木蘇莫道擁城旗鼓列榕陰萬畝蔭郊衢

周行示我賴同僚吏習民安氣不驕倚棹湖邊樓得月
濡毫烟外壁鄰霄釣臺潮接來源近梨岳雲飛去路遙
笑指同攀秋柳處洪山橋是灞陵橋

寄許石華月南兩孝廉

陶山詩錄卷二十二

十三

久別平輿淵相思長淮水昨入無諸城瑤華接兩美絕
嶠苦岑寂讀之欣然喜曩季相切劘經學著方軌明年
副旁求郊祁定追媿或以詞章先或以政事始

聖

人方渴賢人文當蔚起慨余實衰頽晚遇慙任使轉因
膺

特達不敢道知止畢竟老無能深恐紛難理良

朋有書緘三復不能已茲者突未黔遷秩戒行李江淮
載經過到處如鄉里因之懷舊遊作詩寄蘭芷

之官陝右別養筠諺二首

來往甌閩暑復寒過門渾似訊平安梅先迎我兩三朶

竹尚干霄十五竿鄰里頗驚遷秩易兒孫都說報

恩難此間縱是菟裘地敢道偷閒歲月寬
浮家卅載乍遷居家具無多尚幾車慎勿寓人來我室
可憐作客愛吾廬階前連理三珠樹樓上題籤萬卷書
儻荷不肖聖慈容引退角巾仍自占林於

旅店祠竈

嘉平廿三日是夕當送竈遊宦三十年官廨事祈報信
美非吾土旅舍况偶到一宿且一餐爨下尚未埽俗傳
君上天善惡悉陳告客適從何來無由猝致禱因思祭
先炊非同媚於奧蔬菜瓜必齋盆瓶尊有芼草具未能
忘踞觚焉敢傲造次必於斯庶幾神所勞

陶山詩錄卷二十二

十四

入潼關三絕句

閩南遷秩向西秦函谷東來已近春關吏尚能相識否
廿年前是棄繻人
昔年轉餉赴皋蘭寇警防關蹙寫鞍事過時平民物阜
敢誇乘傳作高官
短裘衝雪入關門四扇橫開望曉暎見說來牟來歲稔
歡情不倩酒杯温

臨潼元旦三首

倏逢除舊歲纔得客新豐載道經三月停輿驗八風雪
留珠樹碧曉送蠟盤紅官吏休迎候杙盆徧野同

憶向鴻門度曾登繡嶺觀樓臺懷杜牧街市認胡寬分
陝才難副當關寢未安振衣思一浴臨水怯深寒
寒盡春將至 恩高力未酬銀章恭拜 命金穀
慎持籌自合觴婪尾何堪築節樓道遙遺別業那敢事
清游

陶山詩錄卷二十二

五



陶山詩錄卷二十二
寒盡春將至 恩高力未酬
銀章恭拜 命金穀
慎持籌自合觴
婪尾何堪築節樓
道遙遺別業
那敢事清游

陶山詩錄卷二十三

善化林 唐仲冕 六枳

音聲樹聽事集

抵布政使任四首 壬午年正月二日

帝命遣之任 恩諭夙夜 朝京俟後今公勤垂 聖訓夙夜

勵官箴 毋忘公勤二字 式敬才原忝于蕃慮更深清霜

堆滿鬢何以稱華簪

桃符初改歲絲仗近靈辰莫避無羊月來宣有脚春廣

思同棠集求瘼上衙陳雪霽窻迎曉和風拂樹新

化淳知俗美身瘠喜民肥按籍徵輸足經年訟牒稀山

陶山詩錄卷二十三

曾占伏莽人盡賦無衣今日咸安集當官在慎微

血氣衰宜戒材猷壯不如延年資藥餌報 國媿詩書

試石官曹重 堂後有試官石 官清則釘可入 聽槐省閣虛 謂音聲樹 伐檀譏

素食往事是前車

音聲樹聽事用杜工部古柏行韻 有序

司廡唐尚書省也庭有古槐即趙璘因話錄所謂省

中有入相者夜聞絲竹之音俗謂之音聲樹蓋在唐

時已稱古矣因顏廳事而系之以詩

奇木非松亦非柏根柢輪囷蟠柱石盤拏恍欲張鱗鬣

擁腫那求中繩尺甚恐龍吟人或驚不為虎倒天所惜

神靈歷劫護烟青星宿垂精和露白聽事昔在都堂東
唐代雲槐蔭守宮省有卿曹登令僕樹中音樂出虛空
繡腹經宵暗生火花瘦遇春猶舞風如何相業開天後
却少中興姚宋功士夫當鬱爲時棟三不朽如鐘鼎重
玉樹久與古爲徒南柯長向往者送項茁孫枝獨角麟
欄扶稚子綠毛鳳未信重聞絲管聲且喜不作檀槽用

題王藝村大令

餘晉詩稿

老去何心唱渭城輸君健筆特從橫凌雲大木稱勻構
袖月長梯絕頂明秦嶺雪消韓子夢彭衙夜續杜陵行
漁洋秋谷風流遠百數十年無此聲

陶山詩錄卷二十三

簷雀

曷弗巢深林依栖檐牙下非同燕蝠爭但樂無彈射

屋烏

爰止誰之屋慈孝君所愛若悅綠么音自有黃鸝輩

晴鵲

嘉客或遠書何勞殷勤報爲喜隔寒窻聲送朝暾到

雨鳩

不雨民無鳩鳩鳴雲徧野呼雨若有神洵是鳩民者

盤鷹

身竦凌雲姿翅展盤空勢欲擊更迴翔鳶鸞須審睇

鈴鷓

誰將九子鈴繫此人日鳥短翮藉天風雲端音繚繞
代辦監臨印事

總持試院爲監臨撫部不閑代其任先集令宰校文藝
簾分內外苔同岑內簾十人依典試衡鑑堂裏坐深沈
糊名易書外簾責檢點試牘繩穿針三場帖括嚴規例
糾繆擯若違官箴今年士子踉蹌甚風檐十日遭霆霹
編號難分歐作字唱名或誤盧爲琛泥汚油沅先見斤
文章何處求知音我於場屋經久困公車八上徒追尋
當時曾受辛苦地旁觀尚動矜憐心重權雖未操藻鑒

陶山詩錄卷二十三

三

輕掉豈無慙影衾憶自十齡試童子弱冠燕臺築黃金
始仕之年始通籍頭顱已受華髮侵牽絲江南與分校
喜當薦士停鳴琴作牧求爲內監試監司點簿聞暮砧
今日至公堂上座年方七十歲逢壬假借自笑治樽俎
靜鎮却愛聯冠簪棘闈出入經周甲文壇甘苦當霑裨
但願八萬四千修月戶裝成七寶登瓊林

三權巡撫

羊犬駕高車檣櫟架大屋幸在委巷行只作蘧廬宿長
道非短馭廣庭異小築一朝事更張羣材謝樸樾我素
無遠猷此身合輅伏已叨非分榮敢希无妄福攝官雙

縮符承乏三往復何堪大厦撐恐蹈前車覆 朝廷

遣楨幹重任欣有屬惟當矢靖共爲民求芻牧

試院次徐香垞太守名紱韻二首

霓裳齊詠大羅仙新入還推我向前越俎頭銜慙老大
掄材手筆讓高賢指揮月斧三千界振觸風簷二十年

自笑文壇觀戰伐輸君才思紀燕然

試牘紛投曉露清好憑玉尺細量評侵陵宿雨傾盆候

撩亂春蠶食葉聲立鵝階前愁矮屋懸鶉郊外損如京

唐時主倉官曰如京傳言灞滻深尋丈省斂行當出駕輕

次韻車秋舫雨中雜感二首

陶山詩錄卷二十三

四

咫尺同岑却異苔局闌對雨更誰來濕雲入戶何須族
旅穀生庭不待栽屋漏痕垂書有法江濤聲起賦無才

文窗坐苦重陰密况在黃山白水隈

客館琴書坐屢遷閒觀局外便爲仙夢中場屋三條燭

筆下文章萬選錢浪汲龍門飛白雨寒生雁戶盼黃絲

懸知攜手聯吟處蟾影窺檐一顰然

題嚴樂園觀察如煜漢南詩集三首

我官東吳君宦秦相思常在漢江濱上書夙說嚴夫子
領郡齊推召信臣曾贊節樓興羽舞還從板屋賦車鄰

秋齋細讀春陵調無限病癢視此身

從軍建策保巖岑，翩彼飛鴉集泮林。
緯耒畊田捐佩犢，懿筐桑女聽鳴禽。
樵童牧豎無游手，木客山都亦盡心。
一卷幽風能化俗，非同漢上記題襟。

三省邊防學素儲，綢繆未雨笑誰如。
難修墻隙遮蘆箔，欲解雲陰擊礮車。
賈傅治安陳有策，陽城撫字考應書。

自慙衰朽無佳政，願舉經猷一起予。
時同在試院苦
兩故項聯云云

次韻酬吳梅梁侍御傑典試見贈二首即送其視

學西川

齊望星槎李郭仙，花驄更向棧雲前。
元燈照我觀風早

藻榜誇人得士賢，解元鄭士範余
觀風取第一移節綸書來

陶山詩錄卷二十三

五

九陛戴匡絲筆報三年，皇華入蜀應題記。
桃李迎春

豔欲然

冰鏡高懸地位清，錦江風月稱臺評。
草堂倘有新詩寄

石室欣傳大雅聲，井絡三千通劍閣。
蠻牋十萬寫瑤京

西川近接西秦路，隴上梅花一騎輕。

次韻酬陳蓮史殿撰繼昌典試即送還京二首殿撰

桂林相
國曾孫

此行端不異登仙，家有冰壺賦在前。
豈獨科名傳范質

還將祖德述韋賢，文恭公曾
撫關中一方秋水懸今月。
三輔春

膏話昔年後學曾，撫庭草帖文恭昔陳臬吳中有楹帖
云庭草不須除常覺階前

生意滿爐香頗自祝祗求世上好
人多余三權吳臬爲重書而刻之
召棠追步倍皇然
綰綬徒懷飲水清治才多媿汝南
評叨陪省試嚴秋律
藉聽風謠奏夏聲志異飽溫今
稷高筆能研鍊舊都京
乍迴星履丹霄路翹望鸞鷲六
翩輕

七十初度賓朋邀遊城南諸堦院次黃虎癡孝廉

本驥 韻三首自題花甲重周第十圖

庶民風雨一心關新霽巾車望曉山雪上鬢痕林遠暎

雲生脚底增連攀敢希槐夢三公貴

衡齋有古槐一株故云

却羨

鷗盟二品閑簿領抽身緣底事屏騶觀稼履田間

麥畦翠剡徧千層秋潦無妨歲屢登主反爲賓慙北海

陶山詩錄卷二十三

六

儒偏就釋說南能詩家得句超三昧畫院參禪到十乘

最喜吾宗孫子行也來同飯苾芻僧

謂咸寧大令之子才十歲同遊

夕照斜窺玉女窻登臨豪興未全降扶童躡磴松千尺

報客衝烟鶴一雙延壽那求金掌露承 恩頻假碧

油幢虛增馬齒糜芻豆祗合歸田泛淶江

秋雨歎三首

前月頗閔雨乞水禱甘澤東北至龍洞西南至太白巔

取山泉來供奉累朝夕廉纖僅沾塵枯燥難種麥豈知

十日霖更苦重陰積山頭霧作巾階下波深尺適當少

試年籲俊門初闢羣僚揭且厲多士益而屐聞聲驚壞

墻顧影難安席廣廈尚如斯何況田家宅
求雨不得雨得雨又恒若厥咎既因狂曰極乃爲惡大
吏不自尤庶民安所託或云朝躋輿即以礮火爨偶然
遇開朗相率恣宴樂自謂舊雨來不似秋雲薄幸天假
良緣爲君施妙畧覽借鄭俠圖冀邀禾絹諾念釋茲在
茲比周嚼復嚼陰柔不可言災沴所由作南山有神靈
具瞻當求莫

驅車出南門遙望終南嶺新晴上樹尖積雪照山頂平
楚秋漸深巖壑氣先冷水潦旣浸淫室廬在滌海村畔
甚矣憊隴畝猶有幸穫餘野垂穗場畔禾成秉且喜播
陶山詩錄卷二十一

麥麩徧埜抽翠穎亟乘九月屋預卜來年餅從此慶時
暢肅又切修省

錢還自都詩以戒之

蜻飛海翁愁馬失塞翁喜幾者動之微旣今福所倚汝
以貲得官再遷至刺史未收輿生牂旣覺柯盤蟻迺復
貪苓通不顧曠甘旨幸遂明發懷又受終朝褫千里適
歸來七袞方覽揆蘇季慙妻孥左師愛少子念汝初生
時何嘗有朱紫念汝嬉戲年何嘗有冠珥汝父已崇班
汝兄亦貴仕無以報

君恩衰病當知止豈容更負

乘況汝曾顛趾事親有餘樂求官不如已往事良可懲

勿詒而翁耻

次韻黃虎癡青門話別圖二首即以送行

竹筍髻年說孟宗衰齡纔向客中逢故人風範真神似

貞石文辭實景從

爲尊甫表墓

藥榜雙花應競爽金萱一節

最榮冬棄繻爲報關門尹有客攜詩落鴈峯

何處蟬鳴訪未央玉山藍澗水天長題名預兆慈恩塢

索句先探古錦囊金石錄堪增德甫紫薇忙爲失君房

阿咸歸去君偕計離思分投兩岳陽

劍姪歸楚君由山西岳陽縣入都

送劍姪南歸三首

從我三年久行程萬里遙饕懷將母老燈憶課兒宵采

陶山詩錄卷二一三

綠難盈劑焚黃合禁樵歸雲留不住珍重莫蕭條

族姓傳來遠宗支譜未修前人思祖澤舊稿付孫謀瓜

陟繇仍別椒聊衍並收攜歸問耆耄指示重箕裘

驪歌聞鶡旦鴈叫感令原汝父昔先逝吾衰今尚存陟

岡憐獨子作室喜諸孫卅載鄉園夢相隨到里門

冬夜書懷二首

氣逢冬瑟縮病入夜呻吟自撫衰殘骨方知孝弟心慙

嘶千里道巢戀一枝林欲遂江湖趣君思似海深

跡坐繩床冷鏗然紙閣昏無端物外影都着夢中痕風

送消搖國雲歸欸乃村何心求大藥一覺望朝暉

得制府繹堂尚書論毆番書

尺一傳來尚書書言湟中事毆除蒙古諸部久臣服
河南河北皆故居當其強盛番受虐及今窮感反遭屠
漢民回種多黠傑弱蒙熟番相睚眦勾引野番紛北渡
劫掠牲畜驚西陲發兵捕斬多則遁少則抗拒還負嵎
頻年番族來插帳今夏使相親執袍分遣鎮將出青海
間布戎馬蒐周陸跳梁小醜半逃匿馘獲生口相傳呼
一箇負矢百羣散三面開網前禽逋日暄遄歸舊巢穴
電掃入告安邊隅文思天子嘉乃績論功行賞咸
都俞秩晉百揆加儀羽吏薦三遷增儲胥如何飛語入

陶山詩錄卷二十三

九

樞密果然竊發乘軄騰傲聞震動起投袂調遣雲集爭
揮爰未及交刃又潛逸惟令守隘防復驅尚書奉

命廉得實使相還朝矢厥謨事權端屬今制府機宜熟
算爰咨詘覺端本兆先零罕朋奸何異蛩驅驢近因執
訊識狼狽便從間謀窮根株厲禁商販爲清野撻剔山
谷成邱墟春草生時定來擾厚集兵力無遺俘必當草
薙與禽獮庶免馬瘠而僕痲重創尚難絕侵突久成更
慮疲轉輸因思蒙人游牧地廢爲河濱衍沃區計惟屯
田十二便歲可省運萬千糈番去則耕來則逐待勞以
逸長無虞營平老謀固如此贊皇成烈今何殊鯁生那

與知邊事凡見或可參遠圖彼如鳥獸爲求食當畀水
草能全軀代籌生計番自靖陰受其庇蒙乃蘇自可因
河作溝塹永教制勝由犁鋤穡人成功建長策
神
武不殺張
威弧

南山詩次韓文公韻

風詩詠紀堂傳記稱苑囿拔地光上騰興雲澤下究中
條位最尊太乙神所授腋懸逾惇物丹砂類勾漏節彼
爾具瞻佳哉予云觀九州第一險羣峯斯大湊井絡照
垂珠隰衍紛錯繡脉從氏道行經向洛源透縣亘千里
強孕育萬彙茂將以表四塞先爲數列岫華嶽視三公

陶山詩錄卷二十三

十

桓圭纁九就特擘巨靈掌遙俵歸昌蜀驪嶺鬱蟠紆黃
山蔚深秀高凌沆瀣莖節應霹歷耐六爻度乾剛尺五
近天覆龍門絕壁開牛首靈臺構膚分金粟肥骨萃石
樓瘦脊脊貫藍田襟背通碧宙七盤十二緝九峻三千
鏤自華紀廣輪於岐考延袤太白金星明穹蒼秋氣候
周原列兒孫吳嶽猶倅籓守關嚴子午升阜擇庚戌荆
岍積雪賺阪谷咽水竇輪音聞膈膊鷲鳥養味漱嶓冢
流濫觴武都壤雜糅梁雍多合沓褒斜鈔晴晝岔路牧
亡羊毗界麻爭漚大巴蹲熊罷中梁逐狝狄雲門迥欲

開天柱屹不什紫柏山殊峭嶸青蓮名頗僻陋酈注別

支長朔書良材富巒壑交隱麟川瀆互奔走鎬洛基文
王仁政溥在宥灞滻溯穆公霸術獲倍售涇溉入鼎州
豐注指乾祐晉有渭陽思楚爲商於詬弦蒲藪付虞炭
谷湫修甃白渠鄭國駿藍橋尾生愁郿隴憶棊封皇澗
存邠舊西自烏鼠同東過漆沮又漢與星河通江共蛇
蚪罍嘉陵僅通舟大散利禦寇汚沈仙閣飛谷墜雲棧
救下便窺鮠桓上直探雀覈疆皆南山聯續在西陲奏
農工爭墾闢商賈更遷貿蓋屋曲並通鄜杜行相近七
二峪羊腸廿四嶠雞脰黃墩極蕭森元扈疑問替土豹
傷碣藏木馬沿溝溜龍興姬京獨虎視羸都復鄜時折

陶山詩錄卷二十三

十一

而左陳倉趨以右亞父迎式車子儀立免胄峻函控咽

吮巴蜀通聲臭興元形勝雄定遠名實副池荷

名縣

名數實

管榆林倚狸鼬魚肚

名壩

桑柘密雞心

名嶺

橙橘斂茅堦防

莽伏麻溝戒穴鬪犬牙杜鵑張蛟卵伐雉雒河由鐵冶

荒谷到車廂轆五朵雲方攢八渡馬齊驟漢江議防維

楚塞資佐佑須效稂莠除先儲艾葉灸丙穴摩峭碧甲

河涉沙籀卽襄荆關扼夔峽岷津逗流移善拊循土著

安耒耨賦則本稅輕佃客遞價購游手室惟棚強舌語

半濡轉徙辨川廣扶攜偕老幼積久連親鄰反眼輒刺

謬膠株摧燒畬玉米春堆餽禮驩豕執牢師動牛鳴柝

黃占千畝竹其落一項豆紙簾及樹雞鑪錘饒炭獸同
袍呼駟鐵異端托靈鷲執言禽失前敗羣羊鞭後隴坻
躍野賓橋柱畫村留教養誠勸懲仇讎變姻媾往遭探
黑丸非種舞紅袖到處苦蔓延隨時痛獮狩成城戢衆
心開網許自首塹谿疾裹糧泥甌容搭餽堅壁鎖巖局
清野纂并收勁旅已三驅

前後督軍如額德海慶
穆賽楊諸公皆名將也

威弧莫再設賣酒鑪無燹煎茶坪有榧正際聞首俗何
憂窺尾繇民順地水師
后施天風妬疇昔柏梁篇
聯陳寇留邁由來桃林塞遠接參墟宿豐牛梓入池宛
馬龍歸殿采芝得蟬蛻種玉盈瓊琇上腴鋪穀穎神囂

陶山詩錄卷二十三

十三

妾檐雷魏延進難憑曹真敗亦狂亂倡李特劇勲推温
造懋聚米觀掌紋奏刀中縈縻茲山關治忽計功承享
侑豈緣涪翁評而爲退之疚我慙樂只歌深恐厥口咒
緬懷石室居幸免漆船僦早蕩方技餐芳柑僊客嗅書
事擬北征千載相醺酌

瘞鹿行

世間多少不平事弱之肉爲強之食主者恨未預爲防
窻之徒比惟不棄日昨山虞獻一麕頭角未長新伊尼
風鳴叻叻批兩耳雲行俛俛超四蹄出入園林及庭院
耦俱無猜得聞燕兒童狎欲駕車輪僕隸欣然供豆薦

主人顧盼顏屢加非族嗔喋色已變本無機械難逃威
况當昏黑爭乘便寡不敵衆猥獨驕彌明往矣空長嘯
或者仙解不擇音且命齊揮屠狗刀又恐老饕葬銅厯
例同瘞鶴藏岩壁蚤知東郭窘階闌悔弗西巴放山澤
次韻黃長垣餽春不老菜魚腊二首

芸生各有春惟人爲易老我昔髫齡遊君亦顏色好梁
肉非所期藜藿同得飽彈指近耄耄幾時重少小三冬
寄旨蓄千里結蘋藻咀嚼出宮商春入詩懷抱

右菜一

善祝春盤菜遠傳醒酒鯖江鄉風味在釣艇忽移情數
罟此無入漑釜誰能烹開絨納夏鱗呼僮酌烏程以此

陶山詩錄二十三

三

占牧夢爲民喜稱觥珍重魴鯁書相教惜廉名

右魚

次韻魏春松侍御

成憲

消寒唱和詩八首

知交不逐歲蹉跎絕憶淮南載酒過傳誦皂囊封事徧
贈詒黃絹好辭多消寒想共圍爐飲話舊難忘鼓櫂歌
壇坵風流推老将笑他嗟惜欲投戈
妙筆清風與水遭歐陽石柱占三豪九仙骨抱衣帽秀
八詠樓開格調高都下間吟兼雅頌朝端重望媿夔皋
春明晚景無蕭瑟可有芳謳付檣桃

退食從容慕道真雋章奇句每爲隣中林蘭蕙推詞客
筮羽鸛鸞學散人象笏累傳青瑣闥漁竿長念畫溪濱

烹茶洗硯君家句陸地神仙入畫新

廉車驅向石巖崑健羨監司軫便回蕭傳在朝辭外吏
薛能等輩笑麗才相逢共訝頭顱雪高卧應聞鼻息雷
自媿勞人惟簿領卅年州郡望蘭臺

忽被

恩光白日邊陽和特地照殘年逢辰共仰吾

君聖揣分難言下吏賢運際河清兼海晏祥徵璧
合與珠聯中和樂職人思奮謬領藩條倍悚然

從今豈復歎孤蓬但恨踈材社櫟同西岳文誰呼僕射
南山詩不滿涪翁惟期吏共廉隅飭且喜民無杼軸空
塵露何能裨海岳况膺百二古秦中

陶山詩錄卷二十三

十四

持籌未解算京垓障麓徒令坐客猜豐稔載登魚有夢
脂膏不潤雞無媒職同內史治金粟政學江都讀玉杯
欲制頽齡長碌碌籬邊幾度菊花開

勉策餘年畲

聖明何心更作觸蠻爭官惟飲水貧

猶樂老未懸車夢亦驚紙閣撚髭懷舊雨薛階行藥趁
新晴東華迢遞詩筒寄好約名山學向平

自述先德詩

於惟我祖郡系晉陽自唐莒公孝友忠良著於前史易
名曰襄功業彪炳子姓蕃昌宋代渡江遷於豫章越明
永樂始至三湘中葉占籍兄弟分行湘南湘西傳派斯

長湘西田心吾世家鄉多財好施里黨推揚惟高大父
兵燹披猖匿身山洞小貯牛糧亂卒探伺鼓鞞烟煬神
佑反風羣寇走僵劬躬燾後爲五大房曾祖守正訓俗
型方大父長者厚德難量篤生吾父燕翼孔臧精窮理
蘊發爲文章著書明道不守故常及其從政恤民如傷
今之宰木昔之甘棠嗟我小子乃弗肖堂猶蒙芘蔭叨
竊寵光自曾以下
封誥輝煌堂階五級祭以特羊
宗支譜系前哲遺芳修補成帙數典不忘福無倖致善
有餘慶爰示後嗣毋敢怠荒

次韻蔡曼受除夕自題祭詩圖四首

陶山詩錄卷二十三

五

薄領催年矢吟牋補宦囊偶因聯襪洽相對引杯長探
勝雲隨騎懷人月滿梁輸君有神助藻思倩春償

詩勲策上公光燄吐長虹畫幃懸金燕燈釵綴玉蟲辛
盤香一瓣丙漏鼓三通供養分清酌酖顏暎燭紅

流光長荏苒歸計尚逡巡禪悟黃楊閨寒消紫陌春第
三廳樹古開八歲華新
恩意容衰老團圞笑語親
得歲先還後驅窮點是癡不才頻假節有暇自編詩律
闢蛇神謬篇成獺祭遲筆端芳信逗窻外隴梅知

元旦試筆

癸未年

新試羊毫筆初占虎變文唐花春色迸秦樂夏聲聞燈

照九華帳輿乘二素雲好書豐樂瑞持奉
聖明君

自艾五十韻

受

恩容易報

恩難厚祿虛糜咏伐檀縱使竭

才猶曠職斷無妄想更遷官令名念切詒親果善政勞
從學古殫那有廉門陳貨寶未聞儉室擁羅紈滿懷春
氣迎朝旭獨抱冬心耐歲寒但喜箴規休喜頌鎮長愉
悅莫長歎庇焉一本樛縈葛服者羣芳佩襲蘭却怪積
蠶遺子姓富思蠲奉恤孀單高車可憶徒重爾方丈何
如食一簞悃幅華披五雜紐輯柔靜養九還丹波恬頗
覺行舟穩席正方能置器安責已責人多自恕媿衾媿

陶山詩錄卷二十三

六

影又誰寬罔誇范叔瘦辭對且學婁公唾面乾觸犯諱
名唾沈嶢謝辭譚燕簡王驪喘呼既苦蟲生肺噴恚應
愁木鬱肝恣意詼諧開慢隙逞才矜傲啓爭端密于機
事防瓶漏筭在頽齡惜燭殘素位而行庸或怨任他非
意粹相干性情詎強爲庸峭寤寐終常矢考槃容物並
將沙滓化正人先自準繩彈非恭上位邀華袞豈集羣
僚飾悅輦範我馳驅推樂御解人紛糺羨宜丸聽言多
被宮鄰惑任使須於履屐看會計錙銖笑桑孔刑名刻
覈惡申韓謙虛眞受長川下貞固仍持介石磐友道克
敦三徑望俗情爲累六如觀愛憎私輒偏生瘡喜怒櫻

毋錯染翰放誕夷猶荒實際祿祥卜筮惹疑團修辭底
用三千牘信道奚求七二鑽憤懣談鋒滋棘刺聰明快
筆怕尖酸長生匪賴調雲母多欲空勞食露盤被濯事
神馨黍稷澍濡培士長琅玕衙齋案牘催鷓鴣賓客威
儀接孔鸞欲進讜言情委婉休緣允務興闡珊世途劇
類青崖險吾道惟令白壁完俄頃睚眦宜退縮些須圭
角總摩剋康衢坦蕩曾傾轍怪石嶙峋定激湍儻是劫
堂纔泛芥那容古井復生瀾蕭閑便入清涼國兢慎如
行皇恐灘咫尺近顏時戰慄痲瘰在抱敢教般嗟

子將智聿昏耄借曰未知殊面謾伊昔考祥占視履先君

陶山詩錄卷二十三

七

祥日筮得履上九而今孫穉已勝冠材同駑馬登岡阪宦異鮎

魚上竹竿皓首見陵由木強壯頰深悔弗泥蟠書生結
習原招詬名士風流亦索瘢最忌老夫來灌灌爭當武
士尚桓桓負荆甘效廉頗袒超乘還輸馬援鞍蔗境漸
佳慙晚達榆光返照合追歡衛侯補過勤捫舌孟氏稽
功黜畫墁健莫偷閒衰莫戀良朋書屬慎眠餐

